



14
1544
128



14
1544
128

全五代詩卷二十九

羅江李調元雨村 編

南唐

徐鉉

鉉字楚金鉉之弟與鉉齊名時號二徐起家秘書郎齊王景達奏授記室未幾貶為江尉歲餘召還授右拾遺集賢殿直學士論馮魯以秘書郎分司東都復召為虞部員外郎後主立遷屯田郎知制誥集賢殿學士改官名拜右內史舍人賜金紫宿直光政殿兼兵吏部選事開寶七

14
1544
128

全五代詩卷二十九

羅江李調元雨村 編

南唐

徐 鍇

鍇字楚金鉉之弟與鉉齊名時號二徐起家秘書郎齊王景達奏授記室未幾貶烏江尉歲餘召還授右拾遺集賢殿直學士論馮魯以秘書郎分司東都復召為虞部員外郎後主立遷屯田郎知制誥集賢殿學士改官名拜右內史舍人賜金紫宿直光政殿兼兵吏部選事開寶七

全五代詩

卷二十九

南唐

年七月卒年五十五贈禮部侍郎謚曰文著說

文解字系傳四十卷說文通釋四十卷方輿記

一百三十卷又古今國典賦苑歲時廣記及他

文章凡若干卷

十國春秋錯凡四知貢舉號得人錯常著論十餘篇後主為丹黃校定復哀已所製文命錯為

之序士以為禁錯酷嗜讀書歷久列署未嘗少輟後主一日得周載齊

職儀江東初無此書人無知者以訪錯一一條對無所遺忘其博記如

此既久屢集賢書閣不去手非暮不出少精小學故所讎書尤審詳每

指其家語人曰吾惟寓宿于此耳江南歲書之盛為天下冠錯力居多

後主常嘆曰羣臣勤其官皆如徐錯在集賢吾何憂哉宋李穆來使見

錯及鉅歎曰二陸之流也時國勢日削錯憂憤得疾卒謂家人曰吾今

乃免為俘囚矣 談苑江南時吳淞為校理古樂府中有慘字者淞多

改為操字蓋帝州之變錯曰此非可一例言若漁陽慘者三搗鼓也禍

衡行漁陽過古歌云邊城晏開江陽慘黃塵蕭蕭白日暗淞歎服慘七

鑿及父後主患清暑閣前草生錯令以桂屑布軌縫中宿草盡死謂呂

氏春秋桂林之下無雜木故也 事物紺珠南唐徐氏二龍蓋謂錯與

錯也 王壺清話錯詞藻尤瞻年十歲羣從宴集令賦秋聲詩頃刻而

就畧云井梧紛墮砌塞雁遠橫空雨滴菘紫風歸薜荔紅盡見秋聲

之意 金王詩話王師弔伐江左城未破時或夢緋衣女子行空中以

巨篋篋物散落如豆著地皆成人問之曰此當死于難者後見一貴人

盛冠服繼墮于地云徐舍人也既寤聞徐錯歿王文公兄弟在金陵和

王微之登高齋詩押篋字平甫曰當時徐氏擅筆墨夜

圍夢隨空中篋此事奇譎而語崛強可謂搏虎手也

太傅相公以東觀庭梅西垣舊植昔陪盛賞今獨

家兄唱和之餘俾令攀和輒依本韵伏愧斐然

徐鉉與太傅殷崇義唱和庭梅詩共三首其一序云史館庭梅見其

歷載三十今已半枯嘗僚諸公唯相公與鉉在耳觀物興感碎成短

篇謹書獻上伏惟垂覽詩云東觀凌波樹曾憐甲坼時籛莢共攀折芳歲

幾推移往事皆陳迹清香亦暗衰相看宜自喜雙鬢合垂絲其二序云

太傅相公深感庭梅再成絕唱曲垂借示倍認知憐謹用舊韵攀和詩云

禁省餘華地含芳自一時雪英開復落紅藥植還移靜想分今昔頻吟

歡感哀多情共如此爭免髮成絲其三序云太傅相公以庭梅二篇許舍弟

同賦再迂藻思曲有虛稱謹依韵奉和庶申感謝詩云舊春終無替流光

自足悲攀條感花萼和曲許墳筵前會成春夢何人更已知緣情聊

借喻爭敢道言詩錯有和詩二首並錄于此其殷崇義和詩見卷三十六

靜對含章樹漢有含章簷下樹閑思共有時香隨荀令在根異武昌移物性雖搖落人心豈變衰唱酬勝笛曲來徃韻朱絲

太傅相公與家兄梅花詠唱許綴末篇再賜新詩俯光拙句謹奉清韻用感鈞私伏惟采覽

重歎梅花落非關塞笛悲論文叨接萼末曲愧吹簾枝逐清風動香因白雪知陶鈞敷左悌更賦邵公詩

賦遠山送鍾德林郎中學士事見鍾

菴詩話

瓜步妖氛滅崑岡草樹青終朝空爾望今日送君行報政秋雲靜微吟曉月生樓中長可見特用滅離情

同家兄哭喬侍郎

諸公長者鄭當時事事無心性坦夷但是登臨皆有詠未嘗相見不伸眉生前適意無過酒死後遺言只要詩三日笑談成理命一篇投弔尚應知

鍾菴

菴字德林豫章人起家藩府從事與二徐等遊累登臺郎遷集賢殿學士保大九年為東都少尹交泰時齊王景達都督撫州朝廷慎選僚佐除觀察判官校檢屯田郎中後主時官勤政殿學士宗師入金陵菴朝服坐于家兵及門舉族

死之

騎省集徐鉉有與弟錯及蕭或孫峴謝仲宣王沂奉送鍾德林少尹員外并序云歲辛亥冬十月天子命吾友德林為東府亞尹大弟諭德蕭君泊諸客餞于石頭城雲日蒼茫園林搖落尊酒將竭征帆欲飛虞者春春而不能迴行者遲遲而不忍去煙生景夕風靜江平君子曰公足以減私子當何悼詩所以言志我當分題故以風月松竹山石寄情於贈別云爾賦得石詩云我愛他山石中含絕代珍煙銷寒落落沙淺靜磷磷翠色澗文陸清聲出泗濱扁舟載歸去知是泥槎

又鉉與蕭或喬舜陳元裕有送鍾德林郎中學士赴東府詩并序云德林始以才術優贖入參近司從以地望清雅寵登書殿會東畿克復上以君有遺愛於淮海之都故輟侍從之班攝尹正之任吾一二親友共餞行舟鉉也不才請以言贈理大國若烹小鮮言不可撓之也况亂後乎德林當奉仁守信體寬務斷大兵之後民各思又聽其自理任其自營為之上者導其蒙過其淫而已示之以聰明則民益迷拘之以禁令則民重困棄仁則吏暴失信則眾感急則民傷不斷則民懈慎此四者何往而不滅噫嘻吾嘗嘗忘形者也平生以來胥會者幾何思當難犬相聞舟輿不接開口而笑攜手而游在吾輩勉之而已忘身徇國急病讓夷德林此行宜減離戀去各賦一物以為贈乎九月十七日序賦得酒詩云酌此盃中物茱萸滿把秋今朝將送別他日是忘憂世亂方多事年加易得愁政成頻一醉亦未減風流

賦山別諸知己

暮景江亭上雲山日望多
只愁辭輦轂長恨隔嵯峨
有意圖功業無心憶薜蘿
親朋將遠別且共醉笙歌

賦新鴻別諸同志

隨陽來萬里點點度遙空
影落長江水聲悲半夜風
殘秋辭絕漠無定似驚蓬
我有離羣恨飄飄羨此鴻

蕭或

或字文或官至少卿

詩話徐鉉與蕭或孫峴為詩友或峴卒後鉉曾有詩悼之其畧云文或少卿文

山郎中交好深至二紀已餘睽別數年二子長逝奉使嶺表途次南康弔孫氏之孤於其家觀文或手書於僧室慷慨悲歎留題此詩詩云孫家虛座弔諸孤張叟僧房見手書二紀離游今若此滿衣寒淚欲何如腰間金印從如斗鏡裡霜華已滿梳珍重遠公應笑我塵心唯此未能除

賦月送鍾員外

麗漢金波滿當年玉笋傾因思頻聚散幾復換虧盈光
徹離襟冷聲符別管清那堪還日此兩地倚樓情

賦菊送德林郎中學士赴東府

離情折楊柳此別異春哉含露東籬艷泥香南浦杯惜
持行次贈留插醉中迴暮齒如能制玉山甘判頽

孫峴

峴字文山南康人官郎中辟江王景邊記室

賦竹送鍾員外

萬物中蕭灑修篁獨逸羣貞姿曾冒雪高節欲凌雲細

菊風初發濃煙日正曛因題偏惜別不可暫無君

謝仲宣

仲宣嘗為齊王景達官寮

賦松送鍾員外

送人多折柳唯我獨吟松若保歲寒在何妨霜雪重森
梢逢靜鏡廓落見孤峰還似君高節亭亭豈繼蹤

王沂

沂南唐時人

賦風送鍾員外

靜追蘋末興况復值蕭條猛勢資新鴈寒聲伴暮潮過

山雲散亂經樹葉飄飄今日煙江上征帆望望遙

喬舜

舜一名匡舜字亞元高郵人李昇輔吳用為秘書省正字及開國宗齊邱辟置幕中十餘年歷大理評事屯田員外郎表為節度掌書記保大中召為駕部郎中知制誥中書舍人以沮國計流撫州後主嗣位復起為司農少卿歷殿中監修國史給事中兼獻納使知貢舉遷刑部侍郎老病乞骸骨後主閱其貧給俸終身開寶五年卒年七十五諡曰貞

十國春秋匡舜知貢舉及弟樂史輩五人多見滯名場者皆稱得而少年輕

薄子朝之謂之陳橋皮榜 騎省集徐鉉和亞元長歌中有句云開緘試讀相思字乃是多相喬亞元短韵三篇皆麗絕小梅寄意情偏切註云亞元詩云借問小梅應得信春風新自海邊來此語尤嘉

賦江送德林郎中學士赴東府

摻袂向江頭朝宗勢未休何人乘桂楫之子過揚州颯颯沙鴈漂漂逐浪鷗欲知離別恨半是淚和流

陳元裕

元裕南唐時人

賦水送德林郎中學士赴東府

上善湛然秋恩波洽帝猷謾言生險浪豈與見安流汎去星槎遠澄來月練浮滔滔對離酌入洛稱仙舟

孟賓于

賓于字國儀連州人晉天福九年登第還鄉為
馬氏從事後歸南唐為塗陽令坐繫赦歸後主
起為水部員外致仕初居吉州五筍山自號羣

玉峰叟有金鼈集

郡閣雅談天福中自湖湘遊京洛應舉遠人無援遂卜命于華山神蛟一年乞一琰

凡六擲得上上大吉第一年云蟾官空手下澤國更誰來二年云水國二親應探榜龍門三月又傷春三年云仙島却回空說夢清朝未達自嫌身四年云失意從他桃李春嵩陽經過歇行塵雲僧不見城中事問是今年第幾人五年云因逢日者教重應忍被雲僧勸却歸天福九年禮部侍郎符蒙卒及第累六舉後往江南官至水部侍郎王元之嘗云古詩人有三水部何遜張籍及孟賓于也江南野錄賓于有詩百篇獻於李若虛侍郎其意甚高然明年與李昉同登進士第後事李後主為塗陽令抵法當死會昉還翰林學士以詩寄賓于莫學馮唐便休去明君晚事未為慚向後主見昉詩有之復官雅言述賓于及第獻主司詩云那堪雨後更聞蟬溪隔重湖路七千憶昔故園楊柳岸全

家送上渡頭船當年中第與國中仕歸秘閣馬致恭送行詩云今日還家莫惆悵不同初上渡船頭馬書顏謂傅江南野錄作

顏謝魯公之後雅辭翰謹禮法多等就所居第依泉石築亭榭開軒四敞則碧鮮叢遠翠微環列蕭然之趣杜絕塵囂孟賓于嘗以詩美之云園林蕭爽聞來久欲訪因循二秋此日開襟吟不盡碧山重疊水長流詩中旨格夏日曲江云遠樹連沙靜閣舟入浦遲贈徐明府云簾垂羣吏散苔長認庭閑吟慮雜錄柳云去年曾折處今日又垂條落花云早知落處隨疎雨悔得開時順暖風又千家簾幙春空在幾處樓臺月自明雪霽云臘雪化為流水去春風吹自好山來永法華寺云匝地人家凭檻見遠山秋色捲簾看皆佳句也鑑戒野錄賓于子歸唐寓廬山國學得瀑布一聯云練色有窮處寒聲無盡時鄰舍有生亦得此句互訟之助教不能理因送江州以全篇定之歸唐勝焉

蟠溪懷古

良哉呂尚父深隱始歸周釣石千年在春風一水流松
根盤蘚石花影卧沙鷗誰更懷韜術追思古渡頭

晚眺

孟賓于

卷三

南唐

七

倚杖殘秋裏吟中四顧頻西風天際雁落日渡頭人草
色衰平野山陰斂暮塵却尋苔徑去明月照村鄰

懷連上舊居

閑思連上景難齊樹繞仙鄉路繞溪明月夜舟漁父唱
春風平野鷓鴣啼城邊寄信歸雲外花下傾杯到日西
更憶海陽垂釣侶昔年相遇草萋萋

公子行

錦衣紅奪彩霞明侵曉春遊向野庭不識農夫辛苦力
驕驄蹋爛麥青青

湘江亭

獨宿大中年裏寺樊籠得出事無心寒山夢上一聲磬
霜葉滿林秋正深

題梅仙館

仙界路遙雲縹緲古壇風冷葉蕭騷後來豈合言淹滯
一尉昇騰道最高

左偃

偃南唐人不仕居金陵能詩有鍾山集雅言雜錄

載稱左偃能詩有集千餘首昭君怨云胡笳聞欲
死漢月望還生早日云日華離碧海雲影散青天

寄廬山白上人

潦倒門前客閑眠歲又殘連天數峰雪終日與誰看萬

大高松古千尋落水寒仍聞有新作嬾寄入長安

寄韓侍郎

謀身謀隱兩無成拙計深慙負耦耕漸老可堪懷故國
多愁翻覺厭浮生言詩幸遇明公許守朴甘遭俗者輕
今日況聞搜草澤獨悲顛顛卧昇平

漢宮詞

寒燭照清夜笙歌隔薛牆一從飛燕入便不見君王

送君去

關河月未曉行子心已急佳人無一言獨背殘燈泣

秋晚野望

倚筇聊一望何處是秦川草色初晴路鴻聲欲暮天

郊原晚望懷李秘書

歸鳥入平野寒雲在遠村徒令睇望久不復見王孫

言懷別同志

漸老將誰託勞生每自慙何當重携手風雨滿江南

江上晚泊

寒雲淡淡天無際片帆落處沙鷗起水濶風高日復斜
扁舟獨宿蘆花裏

寄鑒上人

一從攜手阻戈鋌屈指如今已十年長記二林同宿夜

竹齋聽雨共忘眠

送人

一莖兩莖華髮生千枝萬枝梨花白春色江南獨未歸
今朝又送還鄉客

李詢

詢南唐人

贈織人

札札機聲曉復晡眼穿力盡竟何如美人一曲成千賜
心裏猶嫌花樣踈

曾庶幾

庶幾吉水人南唐時隱士

能改齊漫錄庶幾在五代時中朝累有聘召皆不起故老有能

記其放猿絕句云云

放猿

孤猿鎖檻歲年深放出城南百丈林綠水任君連臂飲
青山不用斷腸吟

李匡堯

匡堯泰和人南唐布衣

元章書宋禱邱鎮鍾陵有布衣李匡堯累贊詔宋末知其忤物託以

他故不見一日宋喪子匡堯隨吊客造謁乃就賓次大署二十八字云云

安排唐祚挫強吳盡見先王說廟謨今日喪離猶自哭
讓皇宮眷合何如

按此詩一作李家明詩詞句小異

五代詩

卷三九

南唐

十

周顥

頡南唐處士

南唐近事類共儒奧學偶不中第旅浙西從事歡飲惟昧章程座中皆戲之有贈詩云龍津棹尾十年勞聲價當時關月高惟有紅妝回舞手似持霜刃向猿猴周和云云

和韻

十載文場敢憚勞
宋都回鷁為風高
今朝甘被花枝笑
任道樽前愛縛猿

張紹

紹南唐人

冲佑觀

大始未形混沌無際
上下開運乾坤定位
日月麗天山

川鎮地萬彙猶屯三才始備肇有神化初生蒸民上惟
立德下無疎親皇風蕩蕩黔首淳淳天下有道誰非聖
人開源嗜慾澆漓俗盛賢者避世真人華命八極神鄉
十州異境翠阜丹邱潛伏靈聖惟彼武夷實曰洞天峯
巒黛染巖岫霞鮮金房玉室羽蓋雲軒葬日風雨會有
神仙國步多艱皇綱中絕四海九州瓜分幅裂稔禍厥
隅阻兵甌越窳窳蠻風荒涼絳闕赫赫烈祖再造丕基
拱揖高讓神人樂推明明我后允協昌基功崇下武德
茂重熙睿哲英斷雄畧神智拓土開疆經天緯地五嶺
來庭三湘清徹四海震威羣生懷惠猶勞宵旰猶混馬

車貪狼俟靜宮焉方除淹留駿馭想像鶉居心懸真洞
 夢到華胥乃眷名山追惟聖跡內庫頌金元侯奉職三
 境求規五靈取則跨谷彌岡張霄架極珠宮寶殿璇臺
 玉堂鳳翔高薨龍轉迴廊錯落金碧玲瓏壁璫雲生林
 楚雷繞籓牆七聖斯嚴三君如在八景靈輿九華神蓋
 清霄莫胥明霜匪對彷彿壺中依稀物外衆真之宇擬
 之無倫會仙之類名之惟新高峰為壑區谷成峒皇獻
 頌聲永絕淄磷

李貞白

貞白南唐人為百勝軍節度陳德誠客

全唐詩話
貞白善諧

嘗詠刺蝟云行似鍼種動卧若栗稔圓莫欺如此大誰敢便行拳又詠
 月云當塗當塗見蕪湖蕪湖見八月十五夜一似沒柄扇又詠狗蚤云
 與黠都來不較多撮挑筋斗大嗟囉忽然管著一藍子有甚心情那
 何又詠罌粟子云倒排雙陸子希擦碧牙籌既似熨牛乳又如鈔馬兜
 鼓槌并瀑箭直是有來由又謁貴公子不禮書格子屏風云道格何曾
 格言糊又不糊渾身總是眼還解識人無又建帥陳晦之子德誠罷管
 沿江水軍入掌禁衛頗患拘束方宴客貞白在坐食蟹德誠顧貞白曰
 請詠之貞白云衆客皆笑調元按王漁洋五代詩話詠蟹詩作王
 貞白及唐詩代錢王貞白無為陳德誠
 客事今據全唐詩仍歸李貞白為是

詠蟹

蟬眼龜形脚似蛛未曾正面向人趨如今釘在盤筵上
 得似江湖亂走無

陳沆

沆南唐時盧阜處士

全唐詩話沆寒食云罷却兒女戲放他
 花木生又閑居云掃地雲粧第耕山鳥怕

牛又題水云點入早雲千
國仰力浮塵世一毫輕

嘲廬山道士

南唐近事廬山九天使者廟有一道士體貌魁偉飲
酒肉晚節服餌丹砂驟于冲舉有鶴因風所飄憩于

廟庭道士驚焉謂當赴昇騰之名令山童控而乘之羽儀清弱不勝其載毛
傷骨折而斃翌日馴養者知訴于公府沈以詩嘲之 調元按十國春秋作

孟蜀向贛詩未
知孰是今并存之

啗肉先生欲上昇黃雲踏破紫雲崩龍腰鶴背無多力

傳與麻姑借大鵬

全五代詩卷三十

羅江李調元雨村

編

南唐

王貞白

貞白字有道信州永豐人五舉禮部登乾寧二

年第後七年始授校書郎晚歸南唐嘗與羅隱

貫休唱和所著有靈溪集紀事天祐年中內試貞白札翰
狼藉帝覽拂下玉案有黃門奏

此舉人頗有詩名御批曰粗通放 青瑣後集貞白唐末大播詩名嘗
作御溝詩云一片御溝水綠槐相蔭清此波涵帝澤無處濯塵纓云云

以示貫休貫休曰刺一字貞白揚袂而去貫休預書一中字于掌邊
貞白曰此中涵帝澤貫休開掌示之不異所改 老學菴續筆記唐

有一種色謂之退紅王建牡丹詩云粉光深紫膩肉色退紅嬌貞白偈
樓行云龍腦香調水教人染退紅花間集床上小薰籠昭州新退紅蓋

退紅若今之粉紅器亦有此色者今無之矣紹興末繡帛有半似
皂而淡者謂之不肯紅亦退紅之類也撫言昭宗皇帝頗為寒進開
路崔凝典貢舉濫得不少然如王貞白張翊律詩趙觀文古風之作皆
臻前輩之闕者洪景廬云貞白靈溪集載永豐邑士周宗朴家更
無他本鄱陽余鏞
攝尉訪得刻之

放歌行

南渡洛陽津西望十二樓明堂坐天子月朔朝諸侯清
樂動千門皇風被九州慶雲從東來泱泱抱日流昇平
貴論道文墨將何求有詔徵草澤微誠將獻謀冠冕如
星羅拜揖曹與周望塵非吾事入職且遲留幸蒙國士
識自脫負薪裘今者放歌行以慰梁甫愁位榮數斗祿
奉義本豐羞願得金膏遂飛雲亦可籌

長安道

曉鼓人已行暮鼓人未息梯航萬國來爭先貢金帛不
問賢與愚但論官與職如何貧書生只獻安邊策

洛陽道

喧喧洛陽路奔走爭先步惟恐着鞭遲誰能更迴顧覆
車雖在前潤屋何曾懼賢哉只二疏東門挂冠去

田舍曲

古今利名路只在儂門前至老不離家一生常晏眠牛
羊晚自歸見童戲野田豈思封侯貴唯只待豐年征賦
豈辭苦但願時官賢時官苟貪濁田舍生憂煎

擬塞外征行

寇騎滿鷄田都護欲臨邊青泥方絕漠懷劍始辭燕旌
 旗挂龍虎壯士募鷹鷂長城威十萬高嶺奮三千行行
 向馬邑去去指祁連鼓聲遙赤塞兵氣遠衝天對陣雲
 初上臨城月始懸風驚烽易滅沙暗馬難前恩重恒思
 報勞心屢損年微功一可立身輕不自憐

長門怨二首

寂寞故宮春殘燈曉尚存從來非妾過偶爾失君恩花
 落傷容鬢鶯啼驚夢魂翠華如可待應免老長門唐書

籤作從來非妾妬

葉落長門靜苔生永巷幽相思對明月獨坐向空樓
 鑿駕迷終轉蛾眉老自愁昭陽歌舞伴此夕未知秋

妾薄命

薄命頭欲白頻年嫁不成秦娥未十五昨夜事公卿豈
 有機杼力空傳歌舞名妾專修婦德媒氏却相輕

長相思

芙蓉出水時偶爾便分離自此無因見長教挂所思殘
 春不入夢芳信欲傳誰寂寞秋堂下空吟小謝詩

少年行二首

遊讌不知厭杜陵狂少年花時輕暖酒春服薄裝綿戲

馬上林苑鬪鷄寒食天魯儒甘被笑對策鬢皤然

弱冠投邊急驅兵夜渡河追奔鐵馬走殺虜寶刀批

也搗威靜黑山路氣含一作吞清海波常聞為突騎天子賜長

戈

短歌行

物候來相續新蟬送晚鶯百年休倚賴一夢甚分明金
鼎神仙隱銅壺晝夜傾不如早立德萬古有其名

湘妃怨

舜欲省齋陬南巡非逸遊九江沉白日二女泣滄洲目
極楚雲斷恨深湘水流至今聞鼓瑟咽絕不勝愁

出塞曲

歲歲但防虜西征早晚休匈奴不繫頸漢將但封侯夕
照低烽火寒笳咽戍樓燕然山上字男子見須羞

御溝水

一帶御溝水綠槐相蔭清此中涵帝澤無處濯塵纓鳥
道來雖險龍池到自平朝宗本心切願向急流傾

度關山

只領千餘騎長驅磧邑間雲州多警急雪夜度關山石
響鈴聲遠天寒弓力慳秦樓休悵望不日凱歌還

出自薊北門行

全五代詩 卷三
薊北連極塞 塞色晝冥冥 戰地骸骨滿 長時風雨腥 沙
河流不定 春草凍難青 萬戶封侯者 何謀靜虜庭

古悔從軍行

憶昔仗孤劍 十年從武威 論兵親玉帳 逐虜過金微 隴
水秋先凍 關雲寒不飛 辛勲功業在 麟閣志猶違

遊仙

我家三島上 洞戶枕波濤 醉背雲屏臥 誰知海日高 露
香紅玉樹 風綻碧蟠桃 悔與仙子別 思歸夢釣鰲

商山

商山名利路 夜亦有人行 四皓卧雲處 千秋豈蘚生 書

烟籠澗黑殘雪隔 林明我待酬恩了 來聽水石聲

廬山

嶽立鎮南楚 雄名天下聞 五峰高闕日 九疊翠連雲 夏
谷雪猶在 陰巖晝不分 唯應高典華 清峻得為羣

寄鄭谷

五百首新詩 緘封寄去時 祇憑夫子鑒 不要俗人知 火
鼠重收布 冰蠶乍吐絲 直須天上手 裁作領巾披

白牡丹

穀雨洗纖素 裁為白牡丹 異香開玉合 輕粉泥銀盤 曉貯
露華濕 宵傾月魄寒 家人淡粧罷 無語倚朱欄

送韓從事歸本道

獻捷靈州倅歸時寵拜新論邊多稱旨許國誓亡身馬
渴黃河凍雁回青塚春到蕃唯促戰應不肯和親

贈劉凝評事

棘寺官初罷梁園靜掩扉春深顏子巷花映老萊衣談
史曾無滯攻書已造微即膺新寵命稱慶向遑闡

雲居長老

巖路躡雲上來叅出世僧松高半巖雪竹覆一溪水不
說有為法非傳無盡燈了然方寸內應祇見南能

雨後從陶郎中登庾樓

庾樓逢霽色夏日欲西曛虹截半江雨風驅大澤雲島
邊漁艇聚天畔鳥行分此景堪誰畫文翁請綴人

述松

遠谷呈材幹何由入棟梁歲寒虛勝竹功績不如桑秋
老落乾子春深衰嫩黃雖蒙匠者顧樵採日難防

從軍行

從軍朔方久未省用干戈祇以息信及自然戎虜和邊
聲動白草燒色入枯河每度因看獵令人勇氣多

胡笳曲

隴底悲笳引隴頭鳴北風一輪霜月落萬里塞天空戍

卒淚應盡胡兒哭未終爭教班定遠不念玉關中

出塞

玉殿論兵事君王詔出征新除羽林將曾破月支兵慣
歷震雷分節度定於一戰勝不使虜塵生

晚夏逢友人 一作李昌符詩

一別同袍友相思已十年長安多在客久病忽聞蟬驟
雨纔沾地陰雲不徧天微涼堪話舊移榻晚風前

終朝異五岳列翠滿長安地去搜揚近人謀隱遁難水
穿諸苑過雪照一城寒為問紅塵裏誰同駐馬看

涼州行

誰唱關西曲寂寥夜景深一聲長在耳萬恨重經心調
古清風起曲終涼月沉却應筵上客未必是知音

金陵懷古二首

恃險不種德興亡嘆數窮石城幾換主天塹漫連空御
路疊民塚臺基聚牧童折碑猶有字多記昔英雄
六代江山在繁華古帝都亂來城不守戰後地多蕪寒
日隨潮落歸帆與鳥孤興亡多少事回首一長吁

釣臺

異代有巢許方知嚴子情舊交雖建國高臥不求榮水

金華仙詩 卷三
鳥寒來浴汀蘭暖重生何顏吟過此辛苦得浮名

憶張處士

天台張處士詩句造元微古樂知音少名言與俗違山
風入松徑海月上巖扉畢世唯高臥無人說是非

送馬明府歸山

辭秩入匡廬重修靖節居免遭黑綬束不與白雲疎送
吏各獻酒羣兒自擔書到時看瀑布為我謝清虛

送友人南歸

南國菖蒲老知君憶釣船離京近殘暑歸路有新蟬峴
首白雲起洞庭秋月懸若教吟興足西笑是何年

題嚴陵釣臺

山色四時碧溪聲七里清嚴陵愛此景下視漢公卿垂
釣月初上放歌風正輕應憐渭濱叟匡國正論兵

曉泊漢陽渡

落月臨古渡武昌城未開殘燈明市井曉色辨樓臺雲
自蒼梧去水從嶓冢來芳洲號鸚鵡用記禰生才

隨計

徒步隨計吏辛勤鬢易凋歸期無定日鄉思羨迴潮宵
雨投前驛侵星過斷橋何堪穆陵路霜葉更瀟瀟

官池產瑞蓮

雨露及萬物嘉祥有瑞蓮香飄鷄樹近榮占鳳池先聖
日臨馭麗息波照并妍願同指佞草生向帝堯前

秋日旅懷寄右省鄭拾遺

永夕愁不寐草蟲喧客庭半窓分曉月當枕落殘星鬢
髮遊梁白家山近越青知音在諫省苦調有誰聽

九日長安作

無酒泛金菊登高但憶秋歸心隨旅雁萬里在滄州殘
照明天關孤砧隔御溝誰能思落帽兩鬢已添愁

曉發蕭關

早發長風裏邊城曙色間數鴻寒背磧片月落臨關隴

上明星沒沙中夜探還歸程不可問幾日到家山

寄天台葉尊師

師住天台久長聞過石橋晴峰見滄海深洞徹丹霄採
藥霞衣濕煎芝古鼎焦念子無心骨頻與鶴書招

江上吟

一葉野人舟長將載酒游夜來吟思苦江上月華秋曉
露滿紅蓼輕波颺白鷗漁翁似月約相伴釣中流

過商山

一宿白雲根時經採麝村數峰似蜀當晝不聞猿馬
立溪沙淺人爭閣道喧明朝棄襦罷步步入金門

泛鏡湖

我泛鏡湖日未生千里尊時無只賓客誰識謫仙人吟
對四時雪憶遊三島春惡聞亡心愁事洗耳大江濱

書陶潛醉石

片石陶真性非為麴蘖昏爭如日月醉不笑獨醒人積
憂毒苔色交加薜荔根至今重九日猶待白衣魂

芍藥

芍藥承春寵何曾羨牡丹麥秋心幾日穀雨只微寒妬
態風頻起嬌妝露欲殘芙蓉浣紗伴長恨隔波瀾

獨芙蓉

方塘清曉鏡獨照玉容秋露萎不相採斂蘋空自愁日
斜還顧影風起強垂頭芳意羨何物雙雙瀟灑游

馮氏書齋小松二首

孤根生遠岳移植翠枝添自秉雪霜操任他蜂蝶嫌微
陰連迴竹清韻入疎簾聳勢即空碧時人看莫厭
得地已經歲清音晝夜聞根涵舊山土葉間近溪雲野
鶴望長遠庭花笑不羣須知搖落後衆木始能分

蘆葦

高士想江湖湖閑庭植蘆清風時有至綠竹與何殊嫩
喜日光薄踈憂雨點麤驚蛙跳得過門雀裊如無未織

巴籬護篔簹
扶葱烟輕弱
柳醜水漱清
蒲漑灌情
偏重琴樽賞
不孤穿花思
釣叟吹葉少
羌雛寒色暮
天映秋聲遠
籟俱朗吟
應有趣滿
洒十餘株

洗竹

道院竹絲教畧洗
鳴琴酌酒看
扶疎不圖結
寔來雙鳳
且要長竿釣巨魚
錦籜裁冠添
散逸玉芽脩
饌稱清虛
有時記得三天事
自向琅玕
卜書

庾樓曉望

獨凭朱檻亦凌晨
山色初明水色新
竹霧曉籠銜嶺月
蘋風暖送過江春
子城陰處猶殘雪
衙鼓聲前未有塵

三百年来庾樓上
曾經多少望鄉人

送芮尊師

石上菖蒲節節靈
先生服食得長生
早知避世憂身老
近日登山覺步輕
黃鶴待傳蓬島信
丹書應換藥官名
他年控鯉昇天去
廬岳逋民願從行

仙巖二首

白烟晝起丹竈紅
紅葉秋書篆文
二十四巖天上一
鷄啼

破晴雲

風呼山鬼服役
月照衡薇結花
江煖客尋瑤草
洞深人
嚙丹霞

折楊柳三首

枝枝交影鎖長門嫩色曾沾雨露恩鳳輦不來春欲盡
空留鶯語到黃昏

水殿年年占早芳柔條風裏御爐香如今萬葉多巡狩
輦路無陰綠草長

嫩葉初齊不耐寒風和時拂玉闌干征人去日曾攀折
泣雨傷春翠黛殘

御試後進詩

三時賜食天厨近再宿偷吟禁漏清二十五家齊拔宅

人間已寫上丹名是年初放二十五人後
覆汰止放十五人

春日詠梅花

靚粧纔罷粉痕新迨曉風迴散玉一塵若遣有情應悵望
已兼殘雪又兼春

全五代詩卷三十一

羅江李調元雨村

編

南唐

張義方

義方始名元達李昇受吳禪用為侍御史上疏
論風憲賜衣一襲以旌直言取前朝王義方名
以易之故義方得盡忠極諫官至勤政殿學士

病瘖卒

南唐近事義方嘗令道士陳友合丹於牛頭山下有
巨虺火吻錦鱗蛇其間若為神物護持義方取丹自
餌瘖瘖而終識者以為氣
未盡服之陰者不壽也

奉和聖製元日大雪登樓

恰當歲日紛紛落天寶瑤花助物華自古最先標瑞牒
有誰輕擬比楊花密飄粉署光同冷靜壓青松勢欲斜
豈但小臣添興詠狂歌醉舞一家家

查文徽

文徽字光慎歙州休寧人南唐時李璟以取閩
功拜撫州觀察使建州留後為吳越所擒遣還

中書歸十年乃卒

查文徽與馮延巳馮延魯曾陳覺魏岑等皆以邪佞用事吳人謂之五鬼

寄麻姑仙壇道士

別後相思鶴信稀郡樓南望遠峰迷人歸仙洞雲連地
花落春秋水滿溪白髮只應悲鏡鑷丹砂猶待寄刀圭

方平車駕今何在常苦塵中日易西

李徵古

徵古袁州宜春人南唐昇元末舉進士第官樞

密副使坐宋齊邱黨賜死

南唐近事徵古少時賤游常宿同郡潘長史家是夜

潘妻夢門前有儀注鞍馬擁劍錯錄衙隊約二百人或坐或立且云太守在此洎見乃寓宿秀才覺後言于潘曰此客非常人也妾來晨畧見餞酒一鐘贈之金扼腕曰郎君他日富貴慎勿相忘明年至京成名不二十年自樞密副使除本州刺史離闕日元宗賜內庫酒二百瓶

登祝融峰

一本訛作李古詩

欲上祝融峰先登古石橋盤開巖嶮處取路到丹霄

潘佑

佑幽州人南唐時累官虞部員外郎內史舍人

著有榮陽集

野客叢書前輩謂深院無人杏花雨之句極佳此非四兩之數當作去聲呼此句正祖南唐潘佑之

意佑有詩曰誰家舊宅春無主深院簾垂杏花雨佑兩句意此作一句言耳然佑句作上聲非去聲也其下曰香飛綠瑣人未歸巢燕承塵黯無語豈語字亦當作去聲耶唐花間集亦曰紅窗寂無人語黯淡梨花雨曾直詩趣此花開須一醉明朝化作玉塵飛出于潘佑勸君此醉直須歡明朝又是花狼籍之意法藏碎金子記太白有詩云野禽啼杜宇山蝶舞莊周後又見潘佑有感懷詩幽禽喚杜宇宿蝶夢莊周席地一尊酒思與元化浮但真辨明月何必秉燭游子謂才思暗合古今無殊不可怪也太白夜懷有句云宴坐寂不動大千入毫髮潘佑獨坐有句云疑神入混茫萬象咸空虛子愛二子吐詞精敏之力入道深密之狀合而書之即資已用江南野錄潘佑有文而容陋其妻石僕射嚴續之女有絕態一日晨粧佑潛窺於鏡其室而落鏡中妻怖遽倒佑怒其惡已因棄之馬令南唐書曰佑母方娠夢古衣冠人告曰我願延之也與夫人為子及生七歲始能語曰兒快傷白龍為上帝所罰也因吟詩云朝遊滄海東莫歸何太速祇因騎折白龍腰謫向人間三十六後果上書柳諫李煜下獄自縊死年三十六歲

送許處士堅往茅山

天壇雲似雪玉洞水如琴白雪與流水千載清人心君
攜布囊去路長風滿林一入華陽洞千秋那可尋

送人往宣城

江畔送行人千山生暮氛謝安團扇上為畫敬亭雲

失題

誰家舊宅春無主深院簾垂杏花雨香飛綠瑣人未歸
巢燕承塵默無語

馬致恭

致恭南唐時人

送孟賓于

曾聞洛陽綴神仙火樹南樓幾十年白首自忻丹桂在
詩名已得四方傳行隨秋渚將歸雁吟傍梅花欲雪天
今日還家莫惆悵不同初上渡頭船

包頴

頴南唐時人

騎省集銜有和表弟包頴見寄序云此子侍親在饒州累年卧疾詩云常思帝里奉文親別後光陰屈指頻蘭佩却歸綸閣下荆枝猶寄楚江濱十程山水勞幽夢滿院烟花醉別人料得此生強健在會須重賞昔年春頴得詩和之云云

和徐鼎臣見寄

平生中表最情親浮世那堪聚散頻謝朓却吟歸省閣

劉楨猶自卧漳濱舊游半似前生事要路多逢後進人
且喜新吟報強健明年相望杏園春

鍾謨

謨字仲益其先會稽人徙閩之崇安已而僑居

金陵李璟時為翰林學士進禮部侍郎判尚書

省

談苑鍾謨建安人為李景奉表于周孫晟遇害獨赦謨為耀州司馬有詩與州將云云後劃江為界世宗召為衛尉卿放還因作詩以獻畧云三年耀武羣雄伏一日回鑾萬國春南北通歡永無事謝恩歸去老陪臣世宗悅

貽耀州將

翩翩歸盡塞垣鴻隱隱驚開蟄戶蟲渭北離愁春色裏
江南家事戰塵中還同逐客紉蘭佩誰聽縲囚奏土風

多謝賢侯振吾道免令搔首泣途窮

代京妓越賓荅徐鉉

一幅輕綃寄海濱越姑長感惜時恩欲知別後情多少
點點憑君看淚痕

何昌齡

昌齡南唐時廬陵宰

總龜昌齡宰廬陵郡有衙將楊克儉能媚州牧而移其權昌齡以凡事之嘗游其池館貽其詩曰云未幾克儉連延範貧死而刑其家破焉議者以為其詩之讖也

題楊克儉池館

經旬因雨不重來門有蛛絲徑有苔再向白蓮臺上望
不知花木為誰開

李羽

羽廬州人登南唐進士第

獻江淮郡守盧公

塞詔東來肥水濱時情惟望秉陶鈞將軍一陣為功業
忍見沙場百戰人

梁藻

藻字仲華長汀人南唐總殿前步軍暉之子性
樂蕭散應襲父任不就所著有處士集若干卷

南山池

翡翠戲翻荷葉雨鷺鷥飛破竹林煙時沽村酒臨軒酌

擬摘新茶靠石煎

韓垂

垂南唐時人

詩話垂咏金山詩最得名李建勳有咏金山絕句云不嗟白髮曾遊此不歎征帆無了期盡日憑闌誰會

我只悲不見韓垂詩

題金山

靈山一峰秀岌然殊衆山盤根大江底挿影浮雲間雷霆常間作風雨時往還象外懸清影千載長躋攀

朱存

存金陵人

十國春秋保大時存常取吳大帝及六國與七成敗之迹作覽古詩二百章章四句地志家多援以為証

後湖

雷轟疊鼓火翻旗三異翩翩試水師驚起黑龍眠不得狂風猛雨不多時

陳彥

彥南唐人官司門郎中

騎省集檢銓有九月十一日寄陳郎中詩云我多吏事君多病病絕過

從又幾旬前日龍山烟景好風前落帽是何人彥答之云云

和徐舍人九月十一日見寄

衡門寂寂逢迎少不見仙郎向五旬莫問龍山前日事
菊蕊開却為閑人

伍喬

喬廬江人南唐李璟時至金陵舉進士第一仕

至考功員外郎卒著有集

陸書本傳喬性嗜學以淮人無出已右者遂渡江居廬山國學

詩調寒苦每有疲童羸馬之歎苦節自奮一夕見人掌自牖隙人署讀易二字忽不見喬大歎異輒取易讀之探索精微越數年山中浮屠夢仰視見一大星芒色甚異旁有人指之曰此伍喬星也入金陵舉進士試畫八卦賦露後望鍾山詩故事中選者主司必延之陞堂置酒時有宋貞觀者首就坐張洎續主司覽其文揖貞觀南坐引洎坐於西酒數行喬如上卷主司歎其傑作乃徙貞觀處席北洎處席南以喬居賓席及覆試榜出喬果為首洎貞觀次時稱主司精於衡覽 全唐詩話喬有省試露後望鍾山句云積露沉諸壑微雲在半峰人雲傍水村疑片冷雪連山驛積寒 光俱為人傳誦

僻居謝何明府見訪

公退琴堂動逸懷
閑披烟靄訪微才
馬嘶窮巷蛙聲息
轍到衡門草色開
風引柳花當坐起
日將林影入庭來
滿齋塵土一床蘚
多謝從容水飯回

遊西山龍泉禪寺

疊巘層峰坐可觀
枕門流水更潺湲
曉鐘聲徹洞溪遠
夏木影籠軒檻寒
幽徑乍尋衣履潤
古堂頻宿夢魂安
因嗟城郭營營事
不得長遊空鬢殘

僻居秋思寄友人

門巷秋歸更寂寥
雨餘閑砌委蘭苗
夢迴月夜蟲吟壁
病起茅齋藥滿瓢
澤國舊遊關遠思
竹林前會負佳招
身名未立猶辛苦
何許流年晚鬢凋

九江旅夜寄山中故人

弱柳風高遠漏沉
坐來難便息愁吟
江城雪盡寒猶在

客舍燈孤夜正深
塵土積年粘旅服
關山無處寄歸心
此時遙羨閑眠侶
靜掩雲扉卧一林

廬山書堂送祝秀才還鄉

束書辭我下重巔
相送同行楚岸邊
歸思幾隨千里雁
離情空寄一林蟬
園林到日酒初熟
庭戶開時月正圓
莫使蹉跎戀踈野
男兒酬志在當年

龍潭張道者

碧洞幽巖獨息心
時人何處得相尋
養生不說憑諸藥
適意唯聞在一琴
石徑掃稀山蘚合
竹軒開晚野雲深
他年功就期飛去
應笑吾徒多苦吟

寄落星史虛白處士

白雲峰下古溪頭
曾與提壺爛熯遊
登閣共看彭蠡水
圍爐相憶杜陵秋
棊元不厭通霄算
句妙多容隔歲酬
別後相思時一望
暮山空碧水空流

題西林寺水閣

竹翠苔花遶檻濃
此亭幽致詎曾逢
水分林下清泠派
山峙雲間峭峻峰
怪石夜光寒射燭
老杉秋韻冷和鐘
不知來往留題客
誰約重尋蓮社蹤

觀華夷圖

別手應難及此精
須知攢簇自心靈
始於毫末分諸國

漸見圖中列四溟
關路欲伸通楚勢
蜀山俄聳入秦青
筆端盡現寰區事
堪把長懸在戶庭

晚秋同何秀才溪上

閑步秋光思杳然
荷藜因共過林煙
期收野藥尋幽路
欲採溪菱上小船
雲吐晚陰藏霽岫
柳含餘靄咽殘蟬
倒尊盡日忘歸處
山磬數聲敲暝天

寄張學士洎

詩史喬與洎友善洎為學士喬為通判作詩以寄洎洎曰侯遊宴時投之僕如言張得詩動容為言于上召還為員外

不知何處好消憂
公退攜壺即上樓
職事久參侯伯幕
夢魂長遶帝王州
黃山向晚盈軒翠
黥水含春繞檻流
遙想玉堂多暇日
花時誰伴出城遊

冬日道中

去去天涯無定期
瘦童羸馬共依依
暮煙江口客來絕
寒葉嶺頭人住稀
帶雪野風吹旅思
入雲山火照行衣
釣臺吟閣滄洲在
應為初心未得歸

僻居酬友人

僻居雖愛近林泉
幽徑閑居碧蘚連
向竹掩扉隨鶴息
就溪安石學僧禪
古琴帶月音聲亮
山果經霜氣味全
多謝故交憐朴野
隔雲時復寄佳篇

宿灞山

一入仙山萬慮寬
夜深寧厭倚虛欄
鶴和雲影宿高木

全五代詩 卷三十一
人世月光登古壇
芝朮露濃溪塢白
薜蘿風起殿廊寒
更陪羽客論真理
不覺初鐘叩曉殘

遊西禪

遠岫當軒列翠光
高僧一衲萬緣忘
碧松影裏地長潤
白藕花中水亦香
雲自雨前生淨石
鶴于鐘後宿長廊
遊人戀此吟終日
盛暑樓臺早有涼

寄史處士

長羨閑居一水湄
吟情高古有誰知
石樓待月橫琴久
漁浦經風下釣遲
僻塢落花多掩徑
舊山殘燒幾侵籬
松門別後無消息
早晚重應躡屐隨

送江少府授延陵後寄

五老雲中勤學者
遇時能不困風塵
束書西上謁明主
捧檄南歸慰老親
別館友朋留醉久
去程烟月入吟新
莫因官小慵之任
自古鸞棲有異人

觀山水障子

功績精妍世少倫
圖時應陪用心神
不知草木承何異
但見江山長帶春
雲勢似離巖底石
浪花如動岼邊蘋
更疑獨泛漁舟者
便是其中舊隱人

聞杜牧赴關

舊隱匡廬一草堂
今聞携笈謁吾皇
峽雲難卷從龍勢

古劍終騰出土光開翅定期歸碧落濯纓寧肯問滄浪
他時得意交知仰莫忘裁詩寄釣鄉

林居喜崔三博遠至

幾日區區在遠程晚煙林徑喜相迎
安容雖有塵中色巾屨猶多嶽上清
野石靜排為坐榻溪茶深煮當飛觥
留連話與方經宿又欲携書別我行

暮冬送何秀才毘陵

疋馬嘶風去思長素琴孤劍稱戎裝
路塗多是過殘歲杯酒無辭到醉鄉
雲傍水村凝冷片雪連山驛積寒光
毘陵城下饒嘉景回日新詩應滿堂

孫咸

咸南唐人

總龜咸長于預知災異因道廬山留題九
天使者廟不逾數年金陵板蕩並應此詩

題九天使者廟

獨入元宮禮至直焚香不為賤貧人
秦淮兩岸沙埋骨溢浦千家血染塵
廬岳烟霞誰是主虎溪風月屬何人
九江太守勤王事好放天兵渡要津

成彦雄

彦雄字文幹南唐進士梅嶺集五卷

吟窗雜錄彦雄
句云莎草放茵

深護砌海榴噴火巧橫牆人紋鱗
引子跳銀海紫燕呼雛語畫梁

杜鵑花

全五代詩

卷三十一

南唐

十一

杜鵑花與鳥怨艷兩何賒疑是口中血滴成枝上花一聲寒食夜數朶野僧家謝豹出不出日遲遲又斜

江上楓

江楓自翦鬱不競松筠力一葉落漁家殘陽帶秋色

夜夜曲

自從君去夜錦幌孤蘭麝欹枕對銀缸秦箏綠窗下

村行

曖曖村煙暮牧童出深塢騎牛不顧人吹笛尋山去

會友不至

王孫還是負佳期玉馬追遊日漸西獨上郊原人不見

鷓鴣飛過落花溪

暮春日宴溪亭

寒食尋芳遊不足溪亭還醉綠楊煙誰家花落臨流樹數片殘紅到檻前

曉

列宿回元朝北極爽神晞露滴樓臺佳人卷箔臨階砌笑指庭花昨夜開

夕

臺榭沈沈禁漏初麝煙紅蠟透蝦鬚雕籠鸚鵡將棲宿不許鴟髮轉轆轤

露

銀河昨夜降醍醐灑遍坤維萬象蘇疑是鮫人曾泣處
滿池荷葉捧真珠

遊紫陽宮

古殿煙霞簇畫屏直疑踪跡到蓬瀛碧桃滿地眠花鹿
深院松窗擣藥聲

元日

詩話彥雄有除夜詩云銅龍看却送春來莫惜顛狂酒
百杯吟鬢就中專擬白那堪更被二更催又元日詩云云

戴星先捧祝堯觴鏡裏填驚兩鬢霜好是燈前偷失笑
屠蘇應不得先嘗

寒夜吟

洞房脉脉寒宵永燭影香消金鳳冷
獨兒睡魘喚不醒
滿窗撲落銀蟾影

柳枝辭

輕籠小徑近誰家玉馬追風翠影斜
愛把長條惱公子
惹他頭上海棠花

鵝黃剪出小花鈿綴上芳枝色轉鮮
飲散無人收拾得
月明階下伴鞦韆

綠楊移傍小亭栽便擁濃煙撥不開
誰把金刀為刪掠
放教明月入窗來

遠接關河高接雲雨餘洗出半天
津牡丹不用相輕薄

自有清陰覆得人

王孫宴罷曲江池
折取春光伴醉歸
怪得美人爭鬪乞
要他穠翠染羅衣

東君愛惜與先春
草澤無人處也新
委囑露華並細雨
莫教遲日惹風塵

句踐初迎西子年
琉璃為帚掃溪烟
至今不改當時色
留與王孫繫酒船

掩映鶯花媚有餘
風流才調比應無
朝朝奉御臨池上
不羨青松拜大夫

殘照林梢嫋數枝
能招醉客上金堤
馬嬌如練纓如火

瑟瑟陰中步步嘶

煎茶

岳寺春深睡起時
虎跑泉畔思遲遲
蜀茶倩箇雲僧碾
自拾枯松三四枝

松

大夫名價古今聞
盤屈孤貞更出羣
將謂嶺南閑得了
夕陽猶挂數枝雲

新燕

纔離海島宿江濱
應夢笙歌作近鄰
減省雕梁並頭語
畫堂中有未歸人

惜花

忘餐為戀滿枝紅錦帳頻移護晚風客散酒酣歸未得
欄邊獨立月明中

中秋月

王母粧成鏡未收倚闌人在水精樓笙歌莫占清光盡
留與溪翁一釣舟

韓 溉

既南唐人

吟憲雜錄溉有句云門掩落花人別後總含殘月酒醒時

潯陽觀水

朝宗漢水接陽臺哈呀填坑吼作雷莫見九江平穩去

還從三峽嶮巖來南經夢澤寬浮日西出岷山劣泛杯
直至滄溟涵貯盡沉深不動浸昭回

水

方圓不定性空求東注滄溟早晚休高截碧塘長耿耿
遠飛青嶂更悠悠瀟湘月浸千年色夢澤烟含萬古愁
別有嶺頭鳴咽處為君分作斷腸流

松

倚空高檻冷無塵往事閒徵夢欲分翠色本宜霜後見
寒聲偏向月中聞啼猿想帶蒼山雨歸鶴應和紫府雲
莫向東園競桃李春光還是不容君

柳

雪盡青門弄影微暖風遲日早鶯歸如憑細葉留春色
須把長條繫落暉彭澤有情還鬱鬱隋堤無主自依依
世間惹恨偏饒此可是行人折贈稀

竹

樹色連雲萬葉開王孫不厭滿庭栽凌霜盡節無人見
終日虚心待鳳來誰許風流添興詠自憐瀟灑出塵埃
朱門處處多閑地正好移陰覆翠苔

鵲

幾見離巢羽翼開盡能輕颺出塵埃人間樹好紛紛占

天上橋成草草回幾度送風臨玉戶一時傳喜到粧臺
若教顏色如霜雪應與清平作瑞來

燈

分影由來恨不同綠窓孤館兩何窮熒煌短焰長疑暗
零落殘花旋委空幾處隔簾愁夜雨誰家當戶怯秋風
莫言明滅無多重曾比人生一世中

李翱

翱南唐詩人

即瑛七修類葉孫魴作金山詩自夸則不當也若以驚濤濺佛身言山不應如此之低此癡人前又不可說夢第同時李翱亦有詩而後四句全同孫句不知當時何意同之若是金山志案此則南唐別有一李翱耳今並載以俟考

金山寺

萬古波心寺金山名日新天多剩得月地少不生塵石
室堪容膝雲堂可憇身我來登眺處能有幾閒人

徐道暉

道暉南唐時人

金山寺

兩寺今為一僧多外國人流來天際水截斷世間塵
宿昏林徑龍歸遠塔輪卻宜成片石曾坐謝心身

全五代詩卷三十二

羅江李調元雨村 編

南唐

李中

中字有中隴西人仕南唐為沔陽宰著有碧雲

集

五代詩話孟賓于集序云有中緣情入妙麗則可知出示全編脩
多奇句如乾坤一夕雨草木萬方春懷古云歌舞一場夢烟波千

古愁聽鄭道士琴云秋月空山寂淳風一夜生徐司徒池亭云扶疎皆
竹樹冷淡似瀟湘落花云酷恨西園雨生憎南陌風寄左僊云烟火人
家遠汀洲暮雨寒秋雨秋聲在梧葉潤氣過書幃廬山云谷春攢錦
繡石潤疊瓊琳江行夜泊云半夜風雷過一天星斗寒寄劉鈞云雨花
半落處幽容未來時得故人消息云夢歸殘月曉信到落花時訪龍光
謙上人云相留看山雪盡日論風騷又七言如宿廬山白雲峰重過道
者院云雲開碧落星河近月出滄溟世界秋又海上從事秋日書懷云
千里夢隨殘月斷一聲蟬送早秋來又夜泊寄詩友云魚龍不動澄江



遠烟霧皆收皎月高東林寺贈遠大師云杉檜已依靈瑤老烟霞空錯
影堂深登毗陵青山樓有感云千里吳山青不斷一邊遼海浸無窮
訪洞仙宮不遇邵道者云羽客不知何處去洞前花落立多時憶溪
居云杜若菰蒲烟雨歇一溪春色屬何人又六言如半落銅基月既
亂飄金谷風多客中春思云又聽黃鳥綿蠻月斷家鄉未還
春水引將客夢悠悠繞遍關山賦泉云誰當秋霽後獨聽月
明中素月流天澄江如練對滄洲而援筆之麗藻以當仁故
以公五七言兼六言詩凡二百篇目曰碧雲集癸酉天祐十年
八月五日序

寒江暮泊寄左偃

維舟蘆荻岸離恨若為寬烟火人家遠汀洲暮雨寒天
涯孤夢去蓬底一燈殘不是憑騷雅相思寫亦難

春日作

和氣來無象物情還暗新乾坤一夕雨草木萬方春染

水烟光媚催花鳥語頻高臺曠望處歌詠屬詩人

訪蔡文慶處士留題

幽人棲息處一到滌塵心
蘚色花陰潤
碁聲竹徑深
籬根眠野鹿
池面戲江禽
多謝相留宿
開樽拂素琴

姑蘇懷古

闌閣興霸日繁盛復風流歌舞一場夢烟波千古愁
樵人歸野徑漁笛起扁舟觸目牽傷感將行又駐留

書王秀才壁

茅舍何寥落門庭長綠蕪
貧來賣書劍病起憶江湖
對枕暮山碧伴吟涼月孤
前賢多晚達莫嘆有霜鬚

春日野望懷故人

野外登臨望蒼蒼烟景昏暖風醫病草甘雨洗荒村雲
散天邊野潮迴島上痕故人不可見倚杖役吟魂

宿山店書懷寄東林令圖上人

一宿山前店旅情安可窮援聲鄉夢後月影竹窗中南
楚征途濶東吳舊業空處溪蓮社客應笑此飄蓬

江行夜泊

扁舟倦行役寂寂宿江干半夜風雷過一天星斗寒潮
平沙背沒霜苦鴈聲殘漁父何踈逸扣舷歌未闌

云恐怖一場
虛明徹曉

三四五
宿子評

寄劉鈞秀才

掩戶當春晝知君志在詩閑花半落處幽客未來時野
鳥穿莎徑江雲過竹籬會須明月夜與子水邊期

聽鄭羽人彈琴

仙鄉景已清仙子啟琴聲秋月空山寂淳風一夜生莎
間蟲罷響松頂鶴初驚因感浮華世誰憐太古情

落花

年年三月夢無計惜殘紅酷恨西園雨生憎南陌風片
隨流水遠色逐斷霞空悵望叢林下悠悠飲興窮
得故人消息

多難分離久相思每淚垂夢歸殘月曉信到落花時未
必乖良會何當有後期那堪樓上望烟水接天涯

江村晚秋作

高秋水村路隔岬見人家好是經霜葉紅於帶露花臨
留魚易得就店酒難賒吟興何能盡風清日又斜

芳草

二月正綿綿離情被雨牽四郊初過雨萬里正鋪烟眷
戀殘花惹留連醉客眠飄香是杜若最憶楚江邊

春晏寄從弟德潤

相思禁烟近樓上動吟魂水國春寒在人家暮雨昏朱

橋通竹樹香徑西蘭蓀安得吾宗會高歌醉一尊

秋雨

竟日聲蕭颯兼風不暫闌竹窗秋睡美荻浦夜漁寒地
僻苔生易林疎鳥宿難誰知苦吟者坐聽一燈殘

烈祖孝高挽歌

誰解叩乾闥音容去不還位方尊北極壽忽殞南山鳳
輦應難問龍髯不可攀千秋遺恨處雲物鎖橋山

贈海上觀音院文上人

煙霞海邊寺高卧出門慵白日少來客清風生古松虛
窗從燕入壞屐任苔封幾度陪師話相留到暮鐘

庭竹

偶自山僧院移歸傍砌栽好風終日起幽鳥有時來
節月牽詩興籠煙伴酒杯南窗睡輕起蕭颯雨聲迴

江南重會友人

江南重會面聊話十年心共立黃花畔空驚素髮侵
斜陽浮遠水歸鳥下疎林牽動詩魔處涼風村落砧

送人南遊

浪跡天涯去南荒必動情草青虞帝廟雲暗夜郎城
越鳥驚鄉夢蠻風解宿醒早思歸故里華髮等閑生

吉水寄閣侍御

時公調官瀑川

何處懷君切令人欲白頭偶尋花外寺獨立水邊樓
不得論休戚何因校獻酬吟餘興難盡風笛起漁舟

寄廬岳鑒上人

岳寺棲銜錫常人親亦難病披青衲重晚剃白髭寒
烘壁茶煙暗填溝木葉乾昔年皆禮謁頻到碧雲端

姑蘇

蘇臺蹤跡在曠望向江濱往事誰堪問連空草自春花
疑西子臉濤想伍胥神吟盡情難盡斜陽照路塵

依韻和蠡澤王去微秀才見寄

咫尺風騷客難諧面繼酬相思對煙雨一雁下汀洲
花

影誰家塢笛聲何處樓櫓節朗吟罷搔首獨遲留

送孫孔二秀才遊廬山

廬山多勝景偏稱二君遊松徑蒼苔合花陰碧澗流傾
壺同坐石搜句共登樓莫學天台客逢山即駐留

途中聞子規

春殘杜宇愁越客思悠悠雨歇孤村裏花飛遠水頭微
風聲漸咽高樹血應流因此頻回首家山隔幾洲

訪龍光智謙上人

忽起尋師興穿雲不覺勞相留碧山雪盡日論風騷竹
影搖禪榻茶烟上毳袍夢魂曾去否舊國阻波濤

賦得江邊草

岼春芳草合幾處思纏綿向暮江蘿雨初晴杜若煙靜
宜幽鷺立遠稱碧波連送別于孫處萋萋南浦邊

江行晚泊寄湓城知友

孤舟相憶久何處倍關情野渡帆初落秋風蟬一聲江
浮殘照闊雲散亂山橫漸去湓城遠那堪新月生

思舊遊有感

長憶銜杯處醅醕尚未闌江南正夜雨樓上恰春寒好
樹藏鶯密平蕪徹野寬如今無處覓音信隔波瀾

秋日途中

竹林已蕭索客思正如讐舊業吳江外新蟬楚驛頭遙
天疎雨過列岫亂雲收今夕誰家宿孤吟月色秋

書蔡隱士壁

病後霜髭出衡門寂寞中蠹侵書帙損塵覆酒樽空池
暗菰蒲雨徑香蘭蕙風幽閑已得趣不見卜窮通

訪徐長史留題水閣

君家池閣靜一到且淹留坐聽蒹葭雨如看島嶼秋杯
盤深有興吟笑迴忘憂更愛幽竒處雙雙下野鷗

鷓鴣

流只是鴛鴦翻飛雲水鄉風高離極浦煙暝下方塘比

鷺行藏別穿荷羽翼香雙雙浴輕浪誰見在瀟湘

所思

離思春來切誰能慰寂寥花飛寒食過雲重楚山遙耿
耿夢徒往悠悠鬢易凋那堪對明月獨立水邊橋

春閨辭二首

卷簾遲日暖睡起思沈沈遼海音塵遠春風旅館深疎
篁留鳥語曲砌轉花陰寄語長征客流年不易禁
不得遼陽信春心何以安鳥啼窓樹曉夢斷碧煙殘綠
鑑開還懶紅顏駐且難相思誰可訴時取舊書看

臘中作

冬三雖云遠，渾疑朔漠中。
勁風吹大野，密雪翳高空。
泉凍如頑石，人藏類蟄蟲。
豪家應不覺，獸炭滿爐紅。

贈胸山楊宰

訟開徵賦畢，吏散捲簾時。
聽雨入秋竹，留僧覆舊棋。
得詩書落葉，煮茗汲寒池。
化俗功成後，煙霄會有期。

悼亡

巷深芳草細，門靜綠楊低。
室邇人何處，花殘月又西。
武陵期已負，巫峽夢終迷。
獨立銷魂久，雙雙好鳥啼。

贈致仕沈彬郎中

自言婚嫁畢，塵事不關心。
老去詩魔在，春來酒病深。
山

翁期採藥海，月伴鳴琴多。
謝維舟處，相留接靜吟。

寄王鸚鵡秀才

長憶狂遊日，惜春心恰同。
預愁花片落，不遣酒壺空。
草軟眠難捨，鶯嬌聽莫窮。
如今千里隔，搔首對秋風。

宿山中寺

寄宿深山寺，惟逢老病僧。
風吹幾世樹，雲暗暮秋燈。
瞑目忘塵慮，談空入上乘。
明晨返名路，何計戀南能。

海上載筆依韻酬左偃見寄

都城分別後，海嶠夢魂迷。
吟興疎煙月，邊情起鼓鼙。
戍旗風颭小，營柳霧籠低。
草檄無餘刃，難將阮瑀齊。

送黃一作王秀才

雨餘飛絮亂相別思難任酒罷河橋晚帆開煙水深
瞻宮須展志漁艇莫牽心岐路從茲遠雙魚信勿沈

哭舍弟

浮生多天枉惟爾最堪悲同氣未歸日慈親臨老時

舊詩傳海嶠

舍弟有詩云夢斷海山遠夜長風雨多傳至海上

新塚枕江渚遺稚嗚嗚處

黃昏繞總帷

書情寄詩友

默默誰知我裴回野水邊詩情長若舊吾事更無先
芳草人稀地殘陽鴈過天靜思吟友外此意復誰憐

喜春雨有寄

青春終日雨公子莫思晴任阻西園會且觀南畝耕最
憐滋隴麥不恨濕林鶯父老應相賀豐年兆已成

魏夫人壇

仙壇遺跡在苔合落花明絳節何年返白雲終日生旋
新芳草色依舊偃松聲欲問希夷事音塵隔上清

寄贈致仕沈彬郎中

鶴氅換朝服逍遙雲水鄉有時乘一葉載酒入三湘塵
夢年來息詩魔老亦狂尊羹與鱸膾秋興最宜長

書小齋壁

其誰肯見尋冷淡少知音塵土侵閑榻煙波隔故林竹
風醒晚醉窓月伴秋吟道在唯求已明時豈陸沈

懷王道者

閑思王道者逸格世難群何處眠青嶂從來愛白雲酒
沽應獨醉藥熟許誰分正作趨名計如何得見君

依韻和智謙上人送李相公赴昭武軍

暫別廟堂上雄藩去豁情秋風生鴈渚晚霧濕龍旌吟
裡過候服夢中歸帝城下車軍庶樂千里月華清

春日途中作

干祿趨名者迢迢別故林春風短亭路芳草異鄉心雨

過江山出鶯啼村落深未知將雅道何處謝知音

遊元真觀

閑吟遊古觀靜慮想神仙上景非難度陰功不易全
醮壇松作蓋丹井蘚成錢浩浩紅塵裏誰來叩自然

寄左偃

每病風騷路荒涼人莫遊惟君還似我成癖未能休
捨寐緣孤月忘形為九秋垂名如不朽那恨雪生頭

獻中書韓舍人

丹墀朝退後靜院即冥搜盡日捲簾坐前峰當檻秋烹
茶留野客展畫看滄洲見說東林夜尋常秉燭遊

訪山叟留題

策杖尋幽客相携入竹扃野雲生晚砌病鶴立秋庭
茶美睡心爽琴清塵慮醒輪蹄應少到門巷草青青

漁父

煙冷暮江濱高歌散誕身移舟過蓼岬待月正絲綸
亦與樵翁約同遊酒市春白頭雲水上不識獨醒人

贈上都紫極宮劉日新先生

道德吾君重含貞本去華因知鍊神骨何必在煙霞
碁散庭花落詩成海月斜瀛洲舊仙侶應許寄丹砂

勉同志

讀書與磨劍旦夕但忘疲儻若功名立那愁變化遲
塵從侵硯席苔任滿庭墀明代搜揚切升沉莫問龜

離亭前思有寄

酒醒江亭客纏綿恨別離笙歌筵散後風月夜長時
耿耿看燈暗悠悠結夢遲若無騷雅分何計達相思

秋夕書事寄友人

信斷關河遠相思秋夜深砌蛩聲咽咽簷月影沈沈
未逐青雲志那堪素髮侵吟餘成不寐徹曙四鄰砧

依韻酬智謙上人見寄

性拙才非逸同心友亦稀風昏秋病眼霜濕夜吟鶯

谷期猶負蘭陵養不違吾師惠佳句勝得楚金歸

題柳

折向離亭畔春光滿手生群花豈無豔柔質自多情夾
岍籠溪月兼風撼野鶯隋隄三月暮飛絮想縱橫

江館秋思因成自勉

江邊候館幽汀鳥暝煙收客思雖悲月詩魔又愛秋聲
名都是幻窮達未能憂散逸憐漁父波中漾小舟

聽蟬寄朐山孫明府

忽聽新蟬發客情其奈何西風起槐柳故國阻煙波
壠笛悲猶少巴猿恨未多不知陶靖節還動此心麼

江南春

千家事勝遊景物可忘憂水國樓臺晚春郊煙雨收鷓
鴒啼竹樹杜若媚汀洲永巷歌聲遠王孫會莫愁

秋夕病中作

卧病當秋夕悠悠枕上情不堪拋月色無計避蟲聲煎
藥惟憂澁停燈又怕明曉臨清鑑裏應有白髭生

春日書懷寄朐山孫明府

一作邊城客閑門兩度春鶯花深院雨書劍滿牀塵紫
閣期終負青雲道未伸猶憐陶靖節詩酒每相親

春晚招魯從事

袞袞利名役常嗟聚會稀有心遊好景無術駐殘暉南
陌草爭茂西園花亂飛期君舉杯酒不醉莫言歸

和易秀才春日見寄

每恨多流落吾徒不易親相逢千里客共醉百花春小
檻山當面閑堦柳拂塵何時卜西上明月桂枝新

送戴秀才

已是殊鄉客送君重慘然河橋乍分首槐柳正鳴蟬短
櫂離幽浦孤帆觸遠煙清朝重文物變化莫遷延

病中作

開齋病初起心緒復悠悠開篋群書蠹聽蟬滿樹秋詩

廢還漸動藥債未能酬為憶前山色扶持上小樓

江南重會友友人感舊

長江落照天物景似當年憶昔携村酒相將上釣舡狂
歌紅蓼岬驚起白鷗眠今日趨名急臨風一黯然

全五代詩卷三十三

羅江李調元雨村 編

南唐

李中二

已未歲冬捧宣頭離下蔡

詔下如春煦巢南志不違空將感恩淚滴盡冒寒衣覆
載元容善形骸果得歸無心慚季路負米覲親闈

哭舍弟

鴻鴈離群後成行憶日存誰知歸故里只得奠吟魂
蟲書盈篋人稀草擁門從茲長慟後獨自奉晨昏

讀蜀志

鼎分天地日先主力元微魚水從相得山河遂有歸任
賢無間忌報國盡神機草昧爭雄者君臣似此稀

都下再會友人

誰言多難後重會喜淹留欲話關河夢先驚鬢髮秋
雲空冉冉遠水自悠悠多謝開青眼攜壺共上樓

晉陵縣夏日作

事簡公庭靜開簾暑氣中依經煎綠茗入竹就清風至
論招禪客忘機憶釣翁晚涼安枕簟海月出牆東

郵亭蚤起

郵舍殘燈在村林雞唱頻星河吟裏曉川陸望中春
舊友青雲貴殊鄉素髮新悠悠念行計難更駐征輪

客中寒食

旅次經寒食思鄉淚濕巾音書天外斷桃李雨中春
欲飲都無緒唯吟似有因輸他郊郭外多少踏青人

旅館秋夕

寥寥山館裏獨坐酒初醒舊業多年別秋霖一夜聽
砧菴聲漸息窗燭影猶傳蚤晚無多事休如泛水萍

宿青溪米處士幽居

寄宿溪光裏夜涼高士家養風窗外竹叫月水中蛙
靜

全唐詩話 卷三十三
慮同搜句清神旋煮茶唯憂晚雞鳴塵裏事如麻
送張惟貞少府之江陰

相送煙汀畔酒闌登小舟離京梅雨歇到邑早蟬秋俗
必期康濟詩誰互唱酬晚涼諸吏散海月入虛樓

送姚端先輩歸寧

知君歸覲省稱意涉通津解纜汀洲曉張帆煙水春
索吟芳草遠貫酒亂花新拜慶庭闈處蟬枝香滿身

吉水作尉時酬閩侍御見寄

謬佐驅雞任常思賦鵬人未諧林下約空感舊來身
鏢徑青苔老鋪階紅葉新相思不可見猶喜得書頻

古水作尉酬高援秀才見贈

佐邑慙無術敢言貧與清風騷誰是主煙月自關情
卷箔當山色開窓就竹聲憐君惠嘉句資我欲垂名

送智雄上人

忽起游方念飄然不可留未知攜一錫乘興向何州
古岫春雲散遙天晚雨收想應重會面風月又清秋

覽友人卷

新詩開卷處造化竭精英雪霽楚山碧月高湘水清
初吟塵慮息再挹古風生自此寰區內喧騰二雅名

廣陵寒食夜

全五代詩 卷三
廣陵寒食夜豪貴足佳期紫陌人歸後紅樓月上時綺
羅香未歇絲竹韻猶遲明日踏青興輸他輕薄兒

寄廬山莊隱士

煙蘿擁竹關物外自求安逼枕溪聲近當簷岳色寒藥
苗應自採琴調對誰彈待了浮名後依君共挂冠

王昭君

蛾眉翻自累萬里陷窮邊滴淚胡風起寬心漢月圓飛
塵長翳日白草自連天誰貢和親策千秋污簡編

送汪濤

知君別家後不免淚霑襟芳草千里路夕陽孤客心花

飛當野渡猿叫在煙岑霄漢知音在何須恨陸沉

言志寄劉鈞秀才

童穉親儒墨時平喜道存酬身指書劔賦命委乾坤秋
爽鼓琴興月清搜句魂與君同此志終待至公論

經古寺

殿宇半隳摧門臨野水開雲凝何代樹草蔽此時臺遠
塔堆黃葉沿階積綠苔踟躕日將暮棲鳥入巢來

送王道士遊東海

巨浸常牽夢雲遊豈覺勞遙空收晚雨虛閣看秋濤必
若思三島應須釣六鼇如通十洲去誰信碧天高

閑居言懷

未達難隨衆從他俗所憎
閑聽九秋雨遠憶四明僧
病後倦吟嘯貧來疎友朋
寂寥元合道未必是無能

宿鍾山知覺院

宿投林下寺中夜覺神清
磬罷僧初定山空月又生
籠燈吐冷豔茁樹起寒聲
待曉紅塵裏依前冒遠程

旅夜聞笛

長笛起誰家秋涼夜漏餘
一聲來枕上孤客在天涯
木末風微動窓前月漸斜
暗牽詩思苦不獨落梅花

送紹明上人之毘陵

忽起毘陵念飄然不可留
聽蟬離古寺携錫上扁舟
月出沙汀冷風高葦岫秋
回期端的否千里路悠悠

遙賦義興潛泉

見說靈泉好潺湲興莫窮
誰當秋霽後獨聽月明中
澗石苔花潤隨流水葉紅
何當化霖雨濟物顯殊功

舟次吉水逢蔡文慶秀才

別後音塵斷相逢又共吟
雪霜今日鬢烟月舊時心
艤櫂夕陽在聽鴻秋色深
一尊開口笑不必話升沉

清溪逢張惟貞秀才

洞隱紅霞外房開碧嶂根
昔年同鍊句幾夜共聽猿
考

古書千卷忘憂酒一樽如今歸建業雅道喜重論

送閻侍御歸闕

羨君乘紫詔歸路指通津鼓櫂煙波煖還京雨露新趨
朝丹禁曉聳轡九衢春自愧湮沉者隨軒未有因

舟次彭澤

飄泛經彭澤扁舟思莫窮無人秋浪晚一岫蓼花風鄉
里夢漸遠交親書未通今宵見圓月難坐冷光中

泉

潺潺青嶂底來處一何長漱石苔痕滑侵松鶴夢涼泛
花穿竹塢瀉月下蓮塘想得歸何處天涯助渺茫

和毘陵尉曹昭用見寄

決獄多餘暇冥搜萬象空卷簾疏雨後鑠印夕陽中還
往多名士編題尚古風宦途知此味能有幾人同

新喻縣偶寄彭仁正字

經年離象魏孤宦在南荒酒醒公齋冷雨多歸夢長志
難酬國澤術欠致民康吾子應相笑區區道未光

和彭正字喜雪見寄

千門忻應瑞偏稱上樓看密灑虛窓曉狂飄大野寒園
深宜竹樹簾捲洽杯盤已作豐年兆黎民意盡安

貽毘陵正勤禪院奉長老

隨緣住瓶錫心已悟無生默坐煙霞散閑觀水月明竹
深風倍冷堂迴磬偏清願作傳燈者忘言學淨名

新秋有感

門巷涼秋至高梧一葉驚漸添衾簟爽頓覺夢魂清暗
促蓮開艷乍催蟬發聲雨降炎氣減竹引冷烟生成客
添歸思行人怯遠程未逢征鴈下漸聽夜砧鳴張翰思
鱸興班姬詠扇情音塵兩難問蛩砌月空明

舟中望九華山

排空蒼翠異輟掉看崔嵬一面雨初歇九峯雲正開當
時思水石便欲上樓臺隱去心難遂吟餘首懶迴僧休

傳紫閣屏歌寫天台中有忘機者逍遙不可陪

廬山

控壓潯陽景崔嵬古及今勢雄超地表翠盛接天心溢
浦春煙列星灣晚景沉圖經宜細覽題詠卒難任靖節
門遙對庾公樓俯臨參差合積雪隱映見歸禽峭拔推
雙劍清虛數二林白蓮池宛在翠輦事難尋天近星河
冷龍歸洞穴深谷春攢錦繡石澗疊瓊琳元鶴傳仙拜
青猿伴客吟泉通九江遠雲出幾州陰冬有靈湯溢夏
無炎暑侵他年如遂隱五老是知音

徐司徒池亭

七

南唐

七

亭榭跨池塘，泓澄入座涼。
扶疎皆竹柏，冷淡似瀟湘。
萍嫩鋪波面，苔深鎖岸傍。
朝迴遊不厭，僧到賞難忘。
最稱收殘雨，偏宜帶夕陽。
吟堪期謝朓，醉好命嵇康。
奢侈心難及，清虛趣最長。
月明垂釣興，何必憶滄浪。

題徐五教池亭

多士池塘好，塵中景恐無。
年來養鷗鷺，夢不去江湖。
泉脉通深澗，風聲起短蘆。
驚魚跳藻荇，戲蝶上菰蒲。
泛泛容魚艇，閒閒載酒壺。
漲痕山雨過，翠積岸苔鋪。
花影沉波底，煙光入座隅。
燒香憐杜若，夜浸愛蟾蜍。
步逸心難厭，看吟興不辜。
馮君命竒筆，為我寫成圖。

獻喬侍郎

位望誰能並，當年志已伸。
人間傳鳳藻，天上演龍綸。
賈馬才無敵，褒雄譽益臻。
除姦深繫念，致主迥忘身。
諫疏縱橫上，危言果敢陳。
忠貞雖貫世，消長豈由人。
慷慨辭朝闕，迢迢涉路塵。
千山明夕照，孤棹渡長津。
杜宇聲方切，江蘆色正新。
卷舒唯合道，喜愠不勞神。
禪客陪清論，漁翁作近隣。
靜吟窮野景，狂醉養天真。
格論思名士，興情渴直臣。
九霄恩復降，比戶意皆忻。
却入鴛鴦序，終身顧問頻。
漏殘丹禁曉，日暖玉墀春。
鑒物心如水，憂時鬢若銀。
惟期康庶事，永要叙彝倫。
貴賤知無間，孤寒必許

親幾多沉滯者拭目望陶鈞

獻中書潘舍人

運叶半千數天鍾許國臣鵬霄開羽翼鳳闕演絲綸
頽問當清夜從容向紫宸立言成雅誥正意叙彝倫
朴素偕前哲馨香越摺紳褒辭光萬代優旨重千鈞
公退誰堪接清閒道是隣世閒身屬幻物外意通津
弔徃魚春夢文高賦復新琴彈三峽水屏畫十洲
春庭冷鋪苔色池寒浸月輪竹風來枕簟藥氣上衣
巾茶譜傳溪叟棋經受羽人清虛雖得趣獻替不妨
陳杞梓呈才後神仙入侍頻孤寒皆有賴中外亦同
所有士曾多難無門得

望塵忙忙罹險阻徃徃耗精神尋果巢枝願終全負米
身遭逢敦孝治蹇蹇值通津最慶清朝祿還霑白髮親
甘柔心既遂虛薄報何因遠宦聯綿歷卑棲夙夜勤良
時空愛惜末路每悲辛骨立駒猶病顏彫女尚貧而今
偕顧遇尺蠖願求伸

獻中書張舍人

仙桂從攀後人間播大名飛騰諧素志霄漢是前程持
憲威聲振司言品秩清簾開春酒醒月上草麻成丹陛
凌晨對青雲逐步生照人裴玉瑩鑿物憲陂明下直無
他事閑遊恣逸情林僧開戶接溪叟掃苔迎煮茗山房

冷垂綸野艇輕神清宜放曠詩苦益縱橫餘刃時皆仰
嘉謀衆佇行四方觀啓沃畢竟念孤平

獻徐舍人

清名喧四海何止並南金真學群英伏多才萬乘欽秩
參金殿峻步歷紫微深顧問承中旨絲綸演帝心褒雄
饒義路賈馬避詞林下直無他事開門對遠岑軒窓來
晚吹池沼歇秋霖蘚點生基石茶煙過竹陰希夷元已
達躁競豈能侵羽客閒陪飲詩人伴靜吟自慙為殫物
多幸辱虛襟此日重遭遇心期出陸沉

寄廬山白大師

長憶尋師處東林寓泊時一秋同看月無夜不論詩泉
美茶香異堂深磬韻遲鹿馴眠蘚逕猿苦叫霜枝別後
音塵隔年來鬢髮衰趨名方汲汲未果再遊斯

冬日書懷寄惟真太師

自別吾師後風騷道甚孤雪霜侵鬢髮音信隔江湖擾
擾悲時世悠悠後夢途向公期盡節多病怕傾壺賤跡
雖慙滯幽情忍使辜詩成天外句蒼覆夜中圖落鏢燈
花碎飄牕雪片麤煮茶燒栗興早晚復圍爐

送孫霽書記赴壽陽辟命

辟命羨君赴其如愴別情酒闌汀樹晚帆展野風生淮

靜寒煙斂村遙夜火明醉沉胸嶺夢吟達壽春城舊友
搖鞭接元戎掃榻迎雪晴蓮幕啟雲散桂山橫王粲從
軍畫陳琳草檄名知君提健筆重振此嘉聲

雲

悠悠離洞壑冉冉上天津捧日終為異從龍自有因高
行四海雨暖拂萬山春靜與霞相近閒將鶴最親帝鄉
歸莫問楚殿夢曾頻白向封中起碧從詩裏新冷容橫
釣浦輕縷絆蟾輪不滯濃還淡無心卷復伸非煙聊擬
議千里在逡巡會作五般色為祥覆紫宸

秋雨

竟日散如絲吟看半掩扉秋聲在梧葉潤氣逼書幃曲
澗泉承去危簷燕帶歸寒蛩悲旅壁亂蘚滑漁磯爽欲
除幽簟涼須換熟衣疏蓬誰夢斷荒徑獨遊稀偏稱江
湖景不妨鷗鷺飛最憐為瑞處南畝稻苗肥

和友人喜雪

膺雪頻頻降成堆不可除伴吟花莫並銷瘴藥何如謝
女詩成處袁安睡起初深迷樵子徑冷遍旅人居惹砌
催鐫俎飄牕入簿書最宜樓上望散亂滿空虛

庭葦

品格清於竹詩家景最幽從裁向池沼長似在汀洲玩

好招溪叟樓堪待野鷗影疏當夕照花亂正深秋韻細
堪清耳根牢好繫舟故溪高岸上冷淡有誰遊

對酒招陳昭用

花開葉落堪悲似水年光暗移身世都如夢役是非空
神疲良圖有分縱在所欲無勞妄思幸有一壺清酒
且來閒話希夷

贈東林白大師

虎溪久駐靈蹤禪外詩魔尚濃卷箔吟銷永日移牀坐
對千峯蒼苔冷鏤幽徑微風間生古松自說年來老病
出門漸覺疏慵

寄楊先生

仙翁別後無信應共烟霞卜隣莫把壺中秘訣輕傳塵
裏遊人浮生日月自急上境鶯花正春安得一招琴酒
與君共泛天津

落花

殘紅引動詩魔懷古牽情奈何半落銅臺月曉亂飄金
谷風多悠悠旋逐流水片片輕粘短莎誰見長門深鎖
黃昏細雨相和

宿廬山白雲峰重道者院
 絕頂松堂喜暫遊一宵元論接浮丘雲開碧落星河近
 和夏侯秀才春日見寄
 綿蠻黃鳥不堪聽觸目離愁怕酒醒雲散碧山當晚檻
 雨催青蘚匝春庭尋芳懶向桃花塢垂釣空思杜若汀
 晝夢不成吟有興揮毫書在枕邊屏
 宿廬山白雲峰重道者院
 絕頂松堂喜暫遊一宵元論接浮丘雲開碧落星河近
 和夏侯秀才春日見寄
 綿蠻黃鳥不堪聽觸目離愁怕酒醒雲散碧山當晚檻
 雨催青蘚匝春庭尋芳懶向桃花塢垂釣空思杜若汀
 晝夢不成吟有興揮毫書在枕邊屏
 宿廬山白雲峰重道者院
 絕頂松堂喜暫遊一宵元論接浮丘雲開碧落星河近

全五代詩卷三十四

羅江李調元雨村 編

南唐

李中

和夏侯秀才春日見寄

綿蠻黃鳥不堪聽觸目離愁怕酒醒雲散碧山當晚檻
 雨催青蘚匝春庭尋芳懶向桃花塢垂釣空思杜若汀
 晝夢不成吟有興揮毫書在枕邊屏

宿廬山白雲峰重道者院

絕頂松堂喜暫遊一宵元論接浮丘雲開碧落星河近

月出滄溟世界秋塵裏年光何急急夢中強弱自悠悠
他時書劍酬恩了願遂鸞車看十洲

海上從事秋日書懷

悠悠旅宦役塵埃舊業那堪信未迴千里夢隨殘月斷
一聲蟬送早秋來壺傾濁酒終難醉匣鎖青萍久不開
唯有搜吟遣懷抱涼風時復上高臺

春晚過明氏閑居

寥寥陋巷獨扃門自戀清虛不厭貧數局碁中消永日
一樽酒裏送殘春雨後綠蘚鋪三徑風送飛花入四鄰
羨爾朗吟無外事滄洲何必去垂綸

題柴司徒亭假山

疊石峩峩象翠微遠山魂夢便應稀從教蘇長添峰色
好引泉來作瀑飛螢影夜攢疑燒起茶煙朝出認雲歸
知君創得茲幽致公退吟看到落暉

秋江夜泊寄劉鈞正字

閑憶詩人思倍勞維舟清夜泥風騷魚龍不動澄江遠
雲霧皆收皎月高潮滿釣舟迷浦嶼霜繁野樹叫猿猱
此時吟苦君知否雙鬢從他有二毛

柴司徒宅牡丹

暮春欄檻有佳期公子開顏乍拆時翠幄密籠鶯未識

好香難掩蝶先知願陪妓女爭調樂欲賞賓朋預課時
只恐却隨雲雨去隔年還是動相思

贈王道者

混俗從教鬢似銀世人無分得相親槎流海上波濤闊
酒滿壺中天地春功就不看丹竈火性閑時拂玉琴塵
仙家變化誰能測只恐洪崖是比身

登毗陵青山樓

高樓閑上對晴空豁日開襟半日中千里吳山清不斷
一邊遼海浸無窮人生歌笑開花霧世界興亡落葉風
吟罷倚欄何限意回頭城郭暮煙籠

桃花

祇應紅杏是知音灼灼偏宜間竹陰幾樹半開金谷曉
一溪齊綻武陵深豔舒百葉時皆重子熟千年事莫尋
誰步宋牆明月下好香和影上衣襟

贈史虛白

致主嘉謀尚未伸慨然深志與誰論喚迴古意琴開匣
陶出真情酒滿樽明月過溪吟釣艇落花堆席睡僧軒
九重夢卜時終在莫向深雲獨閉門

送致仕沈彬郎中遊茅山

掛却朝冠披鶴氅羽人相伴恣遨遊忽因風雅思茅嶺

便挈琴樽上葉舟野寺宿時山月上海門吟處水雲秋
華陽洞府年光永莫向仙鄉擬駐留

獻張義方常侍

雄飛看是逼宮廊逸思常聞不暫忘公署靜眠思水石
古屏閑展看瀟湘老來酒病雖然減秋杪詩魔更是狂
乘興有時招羽客橫琴移月啟茅堂

贈永真

一作杜翺少府

藍袍竹簡佐琴堂縣僻人稀覺日長愛靜不嫌官况冷
苦吟從聽鬢毛蒼閑尋野寺聽秋水寄睡僧窓到夕陽
騫翥會應霄漢去漁竿休更戀滄浪

送廬阜僧歸山陰

山陽舊社終經夢容易言歸不可留瓶貯瀑泉離五老
錫搖江雨上孤舟魚行細浪分沙嘴鴈逆高風下葦洲
遙想枚臯宅邊寺不知涼月共誰遊

投所知

孤琴塵翳劍慵磨自顧泥蟠欲柰何千里交親消息斷
一庭風雨夢魂多題橋未展相如志叩角誰憐甯戚歌
唯賴明公憐道在敢攜篋笠釣煙波

贈上都先業大師

懶向人前著紫衣虛堂閑倚一條藜雖承雨露居龍闕

終憶煙霞夢虎溪睡起曉窻風淅淅病來深院草萋萋
有時乘興尋師去煮茗同吟到日西

海城秋日書懷寄胸山孫明府

槐柳蟬聲起渡頭海城孤客思悠悠青雲展志知何日
皓月牽吟又入秋鑑裏漸生潘岳鬢風前猶著卜商裘
鳴琴良宰揮毫士應笑蹉跎身未酬

贈胸山孫明府

縣庭無事似山齋滿砌青青旋長苔閑撫素琴曹吏散
自烹新茗海僧來買將病鶴勞心養移得閑花用意栽
幾度訪君留我醉甕香皆值酒新開

贈海上書記張濟員外

鵬霄休歎志難伸貧病雖縈道且存阮瑀不能專筆硯
嵇康唯要樂琴尊春風滿院空欹枕芳草侵階獨閉門
劍有塵埃書有蠹昔年心事共誰論

經古觀有感

古觀寥寥枕碧溪偶思前事立殘暉漆園化蝶名空在
柱史猶龍去不歸丹井泉枯苔鎖合醮壇松折鶴來稀
回首嘆浮生事夢裏光陰疾若飛

秋日登潤州城樓

虛樓一望極封疆積雨晴來野景長水接海門鋪遠色

全五代詩 卷十四
稻連京口發秋香鳴蟬歷歷空相續歸鳥翩翩自著行
吟罷倚欄深有思清風留我到斜陽

晚春客次偶吟

暫駐征輪野店間悠悠時節又春殘落花風急宿醒解
芳草雨昏春夢寒慙逐利名頭易白欲眠雲水志猶難
却憐村寺僧相引閑上虛樓共倚欄

書郭判官幽齋壁

不妨公退尚清虛初得幽齋興有餘要引好風清戶牖
旋栽新竹滿庭除傾壺待客花開後煮茗留僧月上初
更有野情堪愛處石牀苔蘚似匡廬

石碁局獻時宰

得從岳叟誠堪重却獻臯夔事更宜公退啟枰書院靜
日斜收子竹陰移適情豈待樵柯爛罷局還應屐齒隳
預想幽窗風雨夜一燈閑照覆圖時

海城秋夕寄懷舍弟

鳥棲庭樹夜悠悠枕上誰知淚暗流千里夢魂迷舊業
一城砧杵搗殘秋窗閑寂寂燈猶在簾外蕭蕭雨未休
早晚萊衣同著去免悲流落在邊州

獻張拾遺

官資清貴近丹墀性格孤高世所稀金殿日開親鳳表

古幘時展看漁磯酒醒虛閣秋簾捲吟對踈篁夕鳥歸
獻替頻陳忠譽播鵬霄萬里展雄飛

贈夏秀才

軒車紫陌競尋春獨掩衡門病起身步月怕傷三徑蘚
取琴因拂一牀塵明時儻有丹枝分青鑑從他素髮新
况是青雲知己在原思生計莫憂貧

海上春夕旅懷寄左偃

柳過清明絮亂飛感時懷舊思悽悽月生樓閣雲初散
家在汀洲夢去迷髮白每慙清鑑啟酒醒長怯子規啼
北山高卧風騷客安得同吟復杖藜

安福縣秋吟寄陳銳祕書

縣庭事簡得餘功詩興秋來不可窮卧聽寒蛩莎砌月
行衝落葉水村風愁髭漸去人前白醉面猶憐鑑裏紅
苦恨交親多契闊未知良會幾時同

暮春有感寄宋維員外

杜宇聲中老病心此心無計駐光陰西園雨過好花盡
南陌人稀芳草深喧夢却嫌鶯語老伴吟惟怕月輪沈
明年才候東風至結駟期君預去尋

題吉水縣廳前新栽小松

斲開幽澗蘚苔斑移得孤根植砌前影小未遮官舍月

翠濃猶帶舊山煙
羣花解笑香寧久
衆木雖高節不堅
輸我婆婆欄檻內
晚風蕭颯學幽泉

代別

明日鳴鞭天一涯
悠悠此夕怯分離
紅樓有恨金波轉
翠黛無言玉筋垂
浮蟻不能迷遠意
迴紋從此寄相思
花時定是慵開鑑
獨向春風恐掃眉

宿臨江驛

候館寥寥輟櫂過
酒醒無奈旅愁何
雨昏郊郭行人少
葦暗汀洲宿鴈多
干祿已悲凋髮鬢
結茅終愧負煙蘿
篇章早晚逢知己
苦志忘形自有魔

吉水縣依韻酬華松秀才見寄

官况蕭條在水村
吏歸無事好論文
枕欹獨聽殘春雨
夢去空尋五老雲
竹徑每憐和蘓步
禽聲偏愛隔花聞
詩情冷淡知音少
獨喜江臯得見君

貽廬山清溪觀王尊師

霞帔星冠復杖藜
積年修鍊住靈溪
松軒睡覺冷雲起
石磴坐來春日西
採藥每尋巖徑遠
彈琴常到月輪低
鼎中龍虎功成後
海上三山去不迷

江次維舟登古寺

輟權因過古梵宮
荒涼門徑鎖苔茸
綠陰滿地前朝樹

清韻含風後殿鐘
童子縱慵眠壞榻
老僧耽話指諸峰
吟餘却返來時路
迴首盤桓尚駐筇

秋江夜泊寄劉鈞

萬里江山歛暮煙
旅情當此獨悠然
沙汀月冷帆初卸
葦岫風多人未眠
已聽漁翁歌別浦
更堪邊鴈過遙天
與君共俟酬身了
結侶波中寄釣船

鶴

九臯羽翼下晴空
萬里心難駐玉籠
清露滴時翹薛徑
白雲開處吸松風
歸當華表千年後
怨在瑤琴別操中
好共靈龜作儔侶
十洲三島逐仙翁

暮春吟懷寄姚端先輩

無奈詩魔旦夕生
更堪芳草滿長汀
故人還爽花前約
新月又生江上亭
莊夢斷時燈欲燼
蜀魂啼處酒初醒
何時得見登龍客
隔却千山萬仞青

送圓

圖作上人歸廬山

蓮宮舊隱塵埃外
策杖臨風拂袖還
踏雪獨尋青嶂下
聽猿重入白雲間
蕭騷紅樹當門老
斑駁蒼苔鎖徑閑
預想松軒夜禪處
虎溪圓月照空山

思湓渚舊居

昔歲曾居湓水頭
草堂吟嘯興何幽
迎僧常踏竹間蘚

愛月獨登溪上樓寒翠入簷嵐岫曉冷聲縈枕野泉秋
從拘宦路無由到昨夜分明夢去遊

留題胡參卿秀才幽居

竹廡庭除蘚色濃道心安逸寂寥中扣門時有棲禪客
漉酒多招採藥翁江近好聽菱芡雨徑香偏愛蕙蘭風
我慙名宦猶拘束脫屣心情未得同

送姚端秀才遊毘陵

毘陵嘉景太湖邊才子經遊稱少年風弄青帘沽酒市
月明紅袖採蓮船若耶罨畫應相似越岫吳峰盡接連
此去高吟須早返廣寒丹桂莫遷延

悼懷王喪妃

花綻花開事可驚暫來浮世返蓬瀛楚宮夢斷雲空在
洛浦神歸月自明香解返魂成浪語膠能續斷是虛名
音容寂寞春牢落誰會樓中獨立情

贈蒯亮處士

著得新書義更幽負琴何處不遨遊无官寄宿月華冷
羽客伴吟松韵秋滿戶煙霞思紫閣一枕風雨憶滄洲
吾君側席求賢切未可懸瓢枕碧流

題廬山東寺遠大師影堂

遠公遺跡在東林往事名存勳苦吟杉檜已依靈塔老

煙霞空鎖影堂深入簾輕吹催香印落石幽泉雜磬音
十八賢人消息斷蓮池千載月沈沈

贈重安寂道者

寒松肌骨鶴心情混俗陶陶隱姓名白髮只聞悲短景
紅塵誰解信長生壺中日月存心近島外煙霞入夢清
每許相親應計分琴餘常見話蓬瀛

江邊吟

風暖汀洲吟興生遠山如畫雨新晴殘陽影裏水東注
芳草煙中人獨行閃閃酒帶招醉客深深綠樹隱啼鶯
盤桓漁舍忘歸去雲靜高空月又明

寄左偃

蕭條陋巷綠苔侵何事君心似我心貧戶懶開元愛靜
病身纔起便思吟閑留好鳥庭柯密啗養鳴蛩砌草深
况是清朝重文物無愁當路少知音

遊北山洞神宮

悶見塵中光景促仙鄉來禮紫陽君人居淡寂應難老
道在虛無不可聞松檜穩棲三島鶴樓臺閑鎖九霄雲
羨師向此朝星斗一炷清香午夜焚

思簡寂觀舊遊寄重道者

閑憶當年遊物外羽人曾許駐仙鄉溪頭烘藥煙霞暖

花下園基日月長
偷摘蟠桃思曼倩
化成蝴蝶學蒙莊
俗緣未斷歸浮世
空望林泉意欲狂

愚九江舊居三首

結茅曾在碧江隈
多病貧身養拙來
雨歇汀洲垂釣去
月當門巷訪僧迴
靜臨窓下開琴匣
悶向牀頭發酒醅
遊宦等閑千里隔
空餘魂夢到漁臺

門前煙水似瀟湘
放曠優游興味長
虛閣靜眠聽遠浪
扁舟閑上泛殘陽
鶴翹碧蘚庭除冷
竹引清風枕簟涼
犬吠疎籬明月上
隣翁携酒到茅堂

無機終日狎沙鷗
得意高吟景且幽
檻底江流偏稱月

簷前山朶最宜秋
遙村處處吹橫笛
曲岸家家繫小舟
別後再遊心未遂
設屏惟畫白蘋洲

秋夜吟寄左偃

與君詩興素來狂
况入清秋夜景長
溪閣共誰看好月
莎階應獨聽寒螿
卷中新句誠堪喜
身外浮名不足忙
會約垂名繼前哲
任他元髮盡如霜

竹

森森移得自山莊
植向空庭野興長
便有好風來枕簟
更無閑夢到瀟湘
塵來砌蘚經疎雨
引下溪禽帶夕陽
閑約羽人同賞處
安排碁局就清涼

懷廬岳舊遊寄劉鈞因感鑒上人

昔年廬岳間遊日乘興因尋物外僧
寄宿愛聽松葉雨論詩惟對竹
窓燈各拘片祿尋分別高謝浮名
竟未能一念支公安可見影堂何處
暮雲凝

贈謙明上人

雖寄上都眠竹寺逸情終憶白雲端
閑登鍾阜林泉晚夢去沃洲風雨寒
新試茶經煎有興舊嬰詩病捨終難
常聞秋夕多無寐月在高臺獨凭欄

贈鍾尊師遊茅山

筇杖擔琴背俗塵路尋茅嶺有誰群
仙翁物外應相遇

靈藥壺中必許分香入肌膚花洞酒冷侵魂夢
石林雲伊予亦有朝修志異日遨遊願見君

送朐山孫明府赴壽陽幕府辟命

堪羨元戎虛右席便承綸綍起金臺
菊叢憔悴陶潛去蓮幕光輝阮瑤來
好向尊壘陳妙畫定應書檄播雄才
預愁別後相思處月人閑窓遠夢迴

下蔡春偶作

旅館飄飄類斷蓬悠悠心緒有誰同
一宵風雨花飛後萬里鄉關夢自通
多難不堪容鬢改沃愁惟怕酒杯空
採蘭扇枕何時遂洗慮焚香叩上穹

再遊洞神宮懷邵羽人有感

重向煙蘿省舊遊因尋遺跡想浮邱峰頭鶴去三清遠
壇畔月明千古秋泉落小池清復咽雲從高嶠起還收
自慙未得冲虛術白髮無情漸滿頭

言水春暮訪蔡文慶處士留題

無事無憂鬢任蒼濁醪閑酌送韶光溟濛雨過池塘暖
狼藉花飛硯席香好古未嘗踈典冊懸圖時要看瀟湘
戀君清話難留處歸路迢迢又夕陽

暮春懷故人

池館寂寥三月盡落花重疊蓋莓苔惜春眷戀不忍掃

感物心情無計開夢斷美人沈信息目穿長路倚樓臺
琅玕繡段安可得流水淫雲共不迴

對雨寄駒山林番明府

竟日如絲不暫停莎塔閑聽滴秋聲斜飄虛閣琴書潤
冷逼幽窓夢寐清開戶只添搜句味看山還阻上樓情
遙知公退琴堂靜坐對蕭騷飲興生

海上和郎戡員外赴倅職

朱玉逢秋何起悲新恩委寄好開眉班升鴛鴦頻經歲
任佐龔黃必暫時乍對煙霞冷海嶠應思蘋蓼夢江湄
一朝鳳詔重徵入鵬化那教尺鷃知

又送赴關

心似白雲歸帝鄉暫停良畫別龔黃煙波乍曉浮蘭橈
魂夢先飛近御香一路伴吟汀草綠幾程清思水風涼
想應數對忠言後不放鄉雲離太陽

送夏侯秀才

江村搖落暮蟬鳴執手臨岐動別情古岫相看殘照在
片帆難駐好風生牽吟一路逢山色醒睡長汀對月明
况是清朝至公在預知喬木定遷鶯

獻中書湯舍人

慶雲呈瑞為明時演暢絲綸在紫微鑾殿對時親舜日

鯉庭過處著萊衣閑尋竹寺聽啼鳥吟倚江樓戀落暉
隔座銀屏看是設一門清貴古今稀

晉陵罷任寓居依韻和陳銳秀才見寄

掩門三徑莓苔綠車馬誰來陋巷開卧棄琴書公幹病
笑迎風月步兵閑當秋每謝蒼清耳漸老多慙酒借顏
濟物未能伸一術敢於明代愛青山

新喻縣酬王仲華少府見貽

事簡開樽有逸情共忻官舍月華清每慙花欠河陽景
長愧琴無單父聲未泰黎元慚曠職縱行謙直是虛名
與君盡力行公道敢向昌朝俟陟明

維舟杳浦逢故人張矩同泊
卸帆清夜碧江濱冉冉涼風動白蘋波上正吟新霽月
岬頭恰見故鄉人共驚別後霜侵鬢互說年來疾逼身
且飲一壺銷百恨會須遭遇識通津

懷舊夜吟寄趙杞

長笛聲中海月飛桃花零落滿庭墀魂銷事去無尋處
酒醒孤吟不寐時萱草豈能忘積恨尺書誰與達相思
悠悠方寸何因解明日江樓望渺瀰

甲子歲罷吉水縣過鍾陵時暮春維舟江渚謁柴
太尉席上作

公侯延駐暫踟躕况值風光三月初乳落杯盤花片小
靜籠池閣柳陰疎舟維南浦程雖阻飲預西園興有餘
却笑田家門下客當時容易歎車魚

哭故主人陳太師

十年孤跡寄侯門入室升堂忝厚恩遊遍春郊隨茜旆
飲殘秋月待金尊車魚鄭重知難報吐握周旋不可論
長慟裴回逝川上白楊蕭颯又黃昏

哭柴郎中

昔歲遭逢在海城曾容孤跡奉雙旌酒邊不厭笙歌盛
花下只愁風雨生棊接山亭松影晚吟陪月檻露華清

音塵自此無因問淚灑川波夕照明

送相里秀才之匡山國子監

氣秀情閑杳莫群廬山遊去志求文已能探虎窮騷雅
又欲囊螢就典墳目豁乍窺千里浪夢寒初宿五峰雲
業成早赴春闈約要使嘉名海內聞

寄廬山簡寂觀重道者

憶昔採芝廬岳頂清宮常接絳霄人玉書閑展石樓曉
瑤瑟醉彈琪樹春惟恨仙桃遲結寔不憂滄海易成塵
似醒一夢歸凡世空向彤霞寄夢頻

海上和柴軍使清明書事

清明時節好煙光英傑高吟興味長捧日即應還禁衛
當春何惜醉胸陽千山過雨難藏翠百卉臨風不藉香
却是旅人悽骨甚夜來魂夢到家鄉



